

四庫全書薈要

• 乾隆御覽本

經部

欽定四庫全書薈要

經部

左傳注疏卷四十二

詳校官原任侍講臣王燕緒



春秋左傳注疏卷四十二

起昭公二年盡四年

晉杜氏注 唐陸德明音義 孔穎達疏

經 一年春晉侯使韓起來聘

夏 叔弓如晉注叔弓叔老子

秋鄭殺其大夫公孫黑注書名惡之薰隧盟子產不討

遂以為卿故書之音義

惡鳥路反疏

正義曰傳稱子產數其罪是書名為惡之也往

年傳云子皙工大夫也則非卿非卿則不合書薰隧之盟子皙強與卿列子產不討即以為卿故書之

冬公如晉至河乃復注弔少姜也晉人辭之故還音義

少詩照反  
傳故此

季孫宿如晉注致禔服也公實以秋行冬還乃書音義

致禔疏注正義曰傳稱季孫宿還致服焉知其致禔服也傳說此事文正在冬上而經書在冬知公實

以秋行至冬還乃書即書還時  
日月不復連言秋故文在冬也

傳二年春晉侯使韓宣子來聘注公即位故疏注正義曰

傳言且告為政而來見則其來非獨為為政故知主  
為公即位故也襄元年傳曰凡諸侯即位小國朝之

大國聘  
焉是也且告為政而來見禮也注代趙武為政雖盟

主而修好同盟故曰禮音義

見賢通反疏注正義曰

韓起之下有趙成中行吳魏舒范鞅知盈則六者三軍之將佐也韓起代趙武將中軍趙成繼父為卿代

韓起也觀書於大史氏見易象與魯春秋曰周禮盡在

魯矣注易象上下經之象辭魯春秋史記之策書春

秋遵周公之典以序事故曰周禮盡在魯矣疏

正義曰大

史之官職掌書籍必有藏書之處若今之秘閣也觀書於大史氏者氏猶家也就其所司之處觀其書也

見易象易象魯國無增改故不言魯易象其春秋用周公之法書魯國之事故言魯春秋也魯國寶文王之書遵周公之典故云周禮盡在魯矣文王周公能制此典因見此書而追歎周德吾乃於今日始知周公

之德以周公制春秋之法故也與周之所以得王天下之由由文王有聖德能作易象故也此二書晉國亦應有之韓子舊應經見而至魯始歎之乃云今知者因味其義而善其人非為素不見也注正義曰易有六十四卦分為上下二篇及孔子又作易傳十篇以翼成之後世謂孔子所作為傳謂本文為經故云上下經也易文推演爻卦象物而為之辭故易繫辭云八卦成列象在其中又云易者象也是故謂之易象孔子述卦下總辭謂之為彖述爻下別辭謂之為象以其無所分別故別立二名以辨之其實卦下之語亦是象物為辭故二者俱為象也定四年傳稱分魯公以備物典策所言典策則史官書策之法若發凡言例皆是周公制之周衰之後諸國典策各違舊章唯魯春秋遵此周公之典以序時事故云周禮盡在魯

吾乃今知周公之德與周之所以王也注易象

春秋文王周公之制當此時儒道廢諸國多闕唯魯

備故宣子適魯而說之音義

以王于況反周弘正依字讀說音悅疏注

義曰易象文王所作春秋周公垂法故杜雙舉釋之云易象春秋文王周公之所制也易繫辭云易之興也其當殷之末世周之盛德耶當文王與紂之事耶鄭玄云據此言以易是文王所作斷可知矣且史傳識緯皆言文王演易演謂為其辭以演說之易經必是文王作也但易之爻辭有箕子之明夷利貞箕子明傷乃在武王之世文王不得言之又云王用享于岐山又云東鄰殺牛不如西鄰之禴祭實受其福二者之意皆斥文王若是文王作經無容自伐其德故先代大儒鄭眾賈逵等或以為卦下之象辭文王所作爻下之象辭周公所作雖復紛競大以無能決當是非杜今雙舉並釋似同鄭說也然據傳先言易象

後言春秋則應先云周之所以王與周公之德也今傳乃先云周公之德者易象諸國同有其春秋獨遵周公典法韓子美周禮在魯故先云周公之德

公享之季武子賦縣之卒章

注縣詩大雅卒章取文王有四臣故能以縣縣致典

盛以晉侯比文王以韓子比四輔音義

四臣大顛閑天散宜生南

宮适四輔謂先後奔走疏附禦侮

疏

注正義曰縣詩云子曰有疏附子曰有先後予曰有奔秦子曰

有禦侮注云率下親上曰疏附相通前後曰先後喻德宣舉曰奔秦武臣折衝曰禦侮

韓子賦

角弓注角弓詩小雅取其兄弟昏姻無胥遠矣言兄

弟之國宜相親季武子拜曰敢拜子之彌縫敝邑寡



君有望矣注彌縫猶補合也謂以兄弟之義音義

縫扶

恭反合如字一音閤

武子賦節之卒章注節詩小雅卒章取式

訛爾心以畜萬邦以言晉德可以畜萬邦音義

節才結反

徐又如字既享宴于季氏有嘉樹焉宣子譽之注譽

其好也音義

譽音餘注同

疏

正義曰服虔云譽游也宣子游其樹下夏諺曰一游一

譽為諸侯度所引夏諺孟子文也若是游於其下宣子本自無言武子何以輒對故杜以為譽其美好也

武子曰宿敢不封殖此樹以無忘角弓注封厚也殖

長也音義

長丁反

遂賦甘棠注甘棠詩召南召伯息於

甘棠之下詩人思之而愛其樹武子欲封殖嘉樹如

甘棠以宣子比召公音義

召上照反下同

宣子曰起不堪也

無以及召公宣子遂如齊納幣注為平公聘少姜音

義

為于偽反下為之請同

見子雅子雅召子旗注子旗子雅之

子使見宣子宣子曰非保家之主也不臣注志氣充

音義

見賢遍反下見彊同亢苦浪反

見子尾子尾見彊注彊子尾之

子宣子謂之如子旗注亦不臣大夫多笑之唯晏子

信之曰夫子君子也注夫子韓起君子有信其有以

知之矣注為十年齊樂施高彊來奔張本自齊聘於

衛衛侯享之北宮文子賦淇澳注淇澳詩衛風美武

公也言宣子有武公之德音義淇音其澳於六反宣子賦木

瓜注木瓜亦衛風義取於欲厚報以為好音義好呼報反

後文注皆同○夏四月韓須如齊逆女注須韓起之子逆

少姜齊陳無字送女致少姜少姜有寵於晉侯晉侯

謂之少齊注為立別號所以寵異之音義少詩疏注照反

義曰婦人稱姓姜是其常蓋以其齊女故以齊為別號所以寵異之言少姜少齊蓋本字為少也服虔云

所以寵異不以齊衆女字謂陳無宇非卿注欲使齊等言齊國如此好女甚少

以適夫人禮送少姜音義通丁歷反執諸中都注中都晉

邑在西河界休縣東南音義界音介休許糾反少姜為之請

曰送從逆班注班列也疏正義曰昏禮諸侯以下法常親迎有故得使卿明是

使上卿也桓三年傳例云凡公女嫁于敵國姊妹則上卿送之以禮於先君公子則下卿送之於大國雖

公子亦上卿送之是送者與逆者俱為上卿是送者依逆者班列若公子嫁於敵國及姊妹嫁於小國皆

下卿送之是降逆者一等公子嫁於小國上大夫送之是降逆者二等也若晉以少姜為夫人當以上卿

逆齊當以上卿送是亦送逆同班少姜據此言之故云送從逆班或可晉使公族大夫逆少姜元不以夫

人之禮則同妾媵之屬送者皆從逆者班次不與桓三年逆夫人之禮同少姜據此而言故云送從逆班也劉炫云昏禮諸侯以下法當親迎有故得使卿明是使上卿也凡例云凡公女嫁于敵國姊妹則上卿送之公子則下卿送之是送卑於逆者一等故云送者從逆者之班次言當卑於逆者也

畏大國

也猶有所易是以亂作注韓須公族大夫陳無字上

大夫言齊畏晉改易禮制使上大夫送遂致此執辱

之罪盖少姜謙以示譏○叔弓聘于晉報宣子也注

此春韓宣子來聘晉侯使郊勞注聘禮賓至近郊君

使卿勞之音義

勞力報反注皆同

辭曰寡君使弓來繼舊好

固曰女無敢為賓徹命於執事敝邑弘矣注徹達也

音義

女音汝下及注皆同

敢辱郊使請辭注辭郊勞音義

使所反

下同致館辭曰寡君命下臣來繼舊好好合使成臣之

祿也注得通君命則於已為榮祿敢辱大館注敢不

敢叔向曰子叔子知禮哉吾聞之曰忠信禮之器也

卑讓禮之宗也注宗猶主也辭不忘國忠信也注謂

稱舊好先國後已卑讓也注始稱敝邑之弘先國也

次稱臣之祿後已也詩曰敬慎威儀以近有德夫子

近德矣注詩大雅音義

近附近之

○秋鄭公孫黑將

作亂欲去游氏而代其位注游氏大叔之族黑為游

楚所傷故欲害其族音義

去起呂反

傷疾作而不果注前

年游楚所擊創音義

創初良反

馬氏與諸大夫欲殺之注

駟氏黑之族子產在鄙聞之懼弗及乘遽而至注遽

傳驛音義

遽其據反爾雅云驛遽傳也孫炎注云傳車驛馬傳中總反驛音亦

疏注正義曰

釋言云驛遽傳也孫炎曰傳車驛馬也

使吏數之注責數其罪曰伯有

之亂注在襄三十年以大國之事而未爾討也注務

共大國之命不暇治女罪音義

共音恭下文注皆同

爾有亂心

無厭國不女堪專伐伯有而罪一也昆弟爭室而罪

二也注謂爭徐吾犯之妹音義

厭於鹽反

薰隧之盟女矯

君位而罪三也注謂使大史書七子音義

矯居表反

有死

罪三何以堪之不速死大刑將至再拜稽首辭曰死

在朝夕無助天為虐疏

正義曰言我創疾見作死在朝夕之間天已虐我無更助

天以為虐也

子產曰人誰不死凶人不終命也作凶事為

凶人不助天其助凶人乎請以印為褚師注印子皙



之子褚師市官音義

朝如字下同印一丹反褚張呂反注同

疏

注褚師市官正

義曰蓋相傳說也

子產曰印也若才君將任之不才將朝夕

從女女罪之不恤而又何請焉不速死司寇將至七

月壬寅縊尸諸周氏之衢注衢道也音義

衢其于反

加木

焉注書其罪於木以加尸上○晉少姜卒公如晉及

河晉侯使士文伯來辭曰非伉儷也注晉侯溺於所

幸為少姜行夫人之服故諸侯弔不敢以私煩諸侯

故止之音義

伉苦浪反儷力計反

疏

正義曰成十一年注云伉敵也儷耦也言少姜是妾

非敵身對耦之人也少姜是妾杜言晉侯為少姜行夫人之服者以明年傳云寡君在縗經之中知其為也服請君無辱公還季孫宿遂致服焉注致少姜之

祔服公以末秋行始冬還乃書之故經在冬叔向言

陳無宇於晉侯曰彼何罪注彼無宇君使公族逆之齊使上大夫送之猶曰不共君求以貪國則不共注

逆卑於送是晉國不共而執其使君刑已頗何以為

盟主注頗不平音義

使所吏反頗善多反

且少姜有辭注謂請

無宇之辭冬十月陳無宇歸注晉侯赦之○十一月

鄭印段如晉弔注弔少姜

經三年春王正月丁未滕子原卒注襄二十五年盟重

丘音義

重直恭反疏注正義曰杜世族譜滕成公是文公之

盟于戚九年于戲十一年于亳城北十九年于祝柯二十年于澶淵二十五年于重丘皆魯滕俱在凡六同盟但經傳更無明文未知皆是滕成公否杜氏之意疑故指重丘近者而言劉炫以為皆是滕成公而規杜氏非也

夏叔弓如滕

五月葬滕成公注卿共小國之葬禮過厚葬襄公滕子

來會故魯厚報之音義

共音恭  
傳做此

秋小邾子來朝

八月大雩

冬大雨雹注無傳記災音義

雨于付反  
雹蒲學反

北燕伯欵出奔齊注不書大夫逐之而言奔罪之也書

名從告疏

注正義曰傳稱燕大夫比以殺公之外嬖公  
懼奔齊是被逐而出非自去也傳又云書曰

北燕伯欵出奔齊罪之是仲尼新意不書大夫逐之而  
言其自奔是罪之也釋例曰諸侯奔亡皆迫逐而苟免  
非自出也傳稱孫林父宿殖出其君名在諸侯之策此  
以臣名赴告之文也仲尼之經更沒逐者主名以自奔

為文責其君不能自安自固所犯非徒所逐之臣也衛  
赴不以名而燕赴以名各隨赴而書之義在彼不在此  
也傳不發於蔡朱銜銜而發於燕欵者欵罪輕於銜銜  
而重於蔡朱故舉中示例以兼通上下也晉悼感銜銜  
而發問師曠恃其目盲因問以極言且明君不能君故  
臣亦不能臣罪不純在臣也杜言在彼不在此者書其  
出奔已是罪賤不假書名以見罪故名與不名皆從本赴不復更見義也

傳三年春王正月鄭游吉如晉送少姜之葬梁丙與

張趯見之注二子晉大夫音義

趯他歷反

梁丙曰甚矣哉

子之為此來也注卿共妾葬過禮甚音義

為于偽反

子大

叔曰將得已乎注言不得止昔文襄之霸也注晉文

公襄公疏

正義曰襄是文公子能繼父業故連言之其命朝聘之數弔葬之使皆文公令之非

襄公也

其務不煩諸侯令諸侯三歲而聘五歲而朝有

事而會不協而盟注明王之制歲聘間朝在十三年

今簡之音義

間間

疏

注正義曰十三年傳云明王之制使諸侯歲聘以志業間

謂諸侯於天子朝聘會盟之數計十二年而有八聘四朝再會一盟此說文襄之霸令諸侯朝聘霸主大國之法也諸侯朝天子因之而為盟會所以同好惡

獎王室霸主之合諸侯不得令其同盟以獎已故今有事而會不協而盟不復設年限之期周室既衰政

在霸主霸主不可自同天子以明王舊制

君薨大夫

弔卿共葬事夫人士弔大夫送葬注先王之制諸侯  
之喪士弔大夫送葬在三十年蓋時俗過制故文襄  
雖節之猶過於古足以昭禮命事謀闕而已注朝聘  
以昭禮盟會以謀闕無加命矣注命有常今嬖寵之  
喪不敢擇位而數於守適注不敢以其位卑而令禮  
數如守適夫人然則時適夫人之喪弔送之禮已過

文襄之制音義

而數所具反徐所主反適丁歷反注同本或作嫡下同令力呈反

疏

正義曰今嬖寵賤妾之喪不敢計擇妾位卑賤而令  
禮數即同於守適夫人也言守適者夫守外職妻守

內職言夫人守內官之適長故以長適言夫人也文  
襄之制夫人喪士弔大夫送葬今游吉卿也而云同  
於守適則於時適夫人喪已令卿送葬矣故杜云然  
則時適夫人之喪弔送之禮已過文襄之制也劉炫  
云不敢擇取使人於卑賤之位而禮數同於守內官之適夫人也唯懼獲戾豈敢憚

煩少姜有寵而死齊必繼室注繼室復薦女音義

扶復

又反下不今茲吾又將來賀不唯此行也張趯曰善  
出者皆同

哉吾得聞此數也然自今子其無事矣譬如火焉注

火心星火中寒暑乃退注心以季夏昏中而暑退季

冬旦中而寒退疏

注正義曰月令季夏之月日在柳  
昏心中旦奎中季冬之月日在婺



女昏婁中旦氐中氐後即此其極也能無退乎晉將次房心是季冬旦火中也

失諸侯諸侯求煩不獲注言將不能復煩諸侯二大

夫退子大叔告人曰張趙有知其猶在君子之後乎

注譏其無隱諱音義

知音智

○丁未滕子原卒同盟故

書名注同盟於襄之世亦應從同盟之禮故傳發之

疏

注正義曰文三年王子虎卒傳曰弔如同盟禮也杜云王子虎與僖公同盟于翟泉文公是同盟之

子故赴以名然則與其父盟得以名赴其子於子虎之卒既已發傳而此復發者以子虎非諸侯又滕入

春秋以來未嘗書滕子名故於此重發傳也

○齊侯使晏嬰請繼室於晉

注復以女繼少姜曰寡君使嬰曰寡人願事君朝夕

不倦將奉質幣以無失時則國家多難是以不獲注

不得自來音義

朝如字質徐之二反又音如字難乃旦反

不腆先君之適

注謂少姜音義

腆他典反

以備內官焜燿寡人之望音義

焜胡本反又音昆服云明也燿羊照反服云照也

疏

正義曰服虔云燿照也焜明也言得備妃嬪之

列照明已之意望也則又無祿早世隕命寡人失望君若不忘

先君之好惠顧齊國辱收寡人徵福於大公丁公注

徵要也二公齊先君言收恤寡人則先君與之福也

音義

隕于敏反好呼報反微古堯反大公音恭要一遙反照臨敝邑鎮撫其社

稷則猶有先君之適注適夫人之女及遺姑姊妹注

遺餘也疏

正義曰姑姊妹亦先君之女也上云先君之適謂適夫人所生及遺姑姊妹謂非夫

人所生者也

若而人注言如常人不取舉音義

舉音餘

君若

不棄敝邑而辱使董振擇之以備嬪嬙寡人之望也

注董正也振整也嬪嬙婦官音義

振之刃反一音真注同嬪本又作墻

在良疏

注正義曰董正釋詁文也振為整理之意言正整選擇示精審也周禮天子有九嬪嬪是

婦官知嫡亦婦官哀元年傳說夫差宿有妃嬪婦御焉蓋周末婦官有此名漢成帝時匈奴來朝詔以掖

庭王嬀賜之是名因於古也

韓宣子使叔向對曰寡君之願也寡

君不能獨任其社稷之事未有伉儷在繯經之中是

以未敢請注制夫人之服則葬訖君臣乃釋服音義

任音壬繯本亦作衰

疏

正義曰少姜本非正夫人而云未有伉儷者蓋晉侯當時

無正夫人其繼室者使韓起上卿逆之鄭宰虎如晉賀之則後娶者為夫人也

君有辱命惠

莫大焉若惠顧敝邑撫有晉國賜之內主豈惟寡君

舉羣臣實受其貺其自唐叔以下實寵嘉之注唐叔

晉之祖音義

貺音

疏

正義曰舉亦皆之義言舉朝羣臣也

既成昏注許

昏成晏子受禮注受賓享之禮叔向從之宴相與語  
叔向曰齊其何如注問興衰晏子曰此季世也吾弗  
知齊其為陳氏矣注不知其他唯知齊將為陳氏音

義

吾弗知絕句

公棄其民而歸於陳氏注棄民不恤齊舊

四量豆區釜鍾四升為豆各自其四以登於釜注四

豆為區區斗六升四區為釜釜六斗四升登成也音

義

量音亮下及注同區烏侯反注及下皆同

釜十則鍾注六斛四斗陳氏

三量皆登一焉鍾乃大矣注登加也加一謂加舊量

之二也以五升為豆五豆為區五區為釜則區二斗

釜八斗鍾八斛音義

舊本以五升為豆四豆為區四區為釜直加豆為五升而區釜

自大故杜云區二斗釜八斗是也本或作五豆為區五區為釜者為加舊豆區為五亦與杜注相會非於

五升之豆又疏正義曰陳氏三量各登其一則釜為五五而加也八斗陳氏亦自依釜數釜十為鍾比

於齊之舊鍾不言四而加一故云鍾乃大矣言其大於齊鍾明亦自十其釜也以家量貸而

以公量收之注貸厚而收薄音義

貸他代反

山木如市弗

加於山魚鹽蜃蛤弗加於海注賈如在山海不加貴

音義

蜃食軫反蛤古答反賈音嫁

疏

正義曰如訓往也言將山木往至市也於木既云如市魚

鹽屋蛤亦如市民參其力二八於公而衣食其一注可知蒙上文也

言公重賦歛音義

參七南反又音三歛力驗反

公聚朽蠹而三老

凍餒注三老謂上壽中壽下壽皆八十已上不見養

遇音義

聚徐在喻反一音在圭反蠹丁故反三老服云工老商老農老也凍丁貢反餒奴罪反壽

音授下同疏注正義曰服虔云三老者工老商老農上時掌反老案民有四民其老無別不宜以三種

之民為三老且士之老者亦應須恤不當獨遺士也故杜以為上中下壽言皆八十以上則上壽百年以

上中壽九十以上下壽八十以上此亦以意言之釋此文耳不通於餘文也若秦伯謂蹇叔云中壽爾墓

之木拱矣不言九十而死木已拱矣國之諸市履賤踊貴注踊則足者

屨言則多音義

屨九具反踊音勇則足者屨也則音月又五刮反

民人痛疾

而或煥休之注煥休痛念之聲謂陳氏也音義

煥於喻反

徐音憂又於到反一音於六反休虛疏注正義曰賈

渝反徐許留反賈云煥厚也休美也疏達云煥厚也

休美也服虔云煥休痛其痛而念之若今時小兒痛

父母以口就之曰煥休代其痛也杜云煥休痛念之

聲其意如服言也此民人痛疾承踊貴之下

以其傳文相連無所分別故言謂陳氏也其受之

如父母而歸之如流水欲無獲民將焉辟之箕伯直

柄虞遂伯戲注四人皆舜後陳氏之先音義

馬於虔反戲許

宜疏注正義曰論陳氏而言此四人知四人皆陳氏

反疏之先也八年傳云舜重之以明德實德於遂遂



世守之及胡公不淫遂在舜之後知四其相胡公大

姬已在齊矣注胡公四人之後周始封陳之祖大姬

其妃也言陳氏雖為人臣然將有國其先祖鬼神已

與胡公共在齊音義相息亮反服如疏正義曰杜不

相隨也蓋相訓為助不為隨也言箕伯四人其皆助

胡公大姬神靈已在齊矣神之在否不可測度而晏

子為此言者以陳氏必與姜姓必滅示已審見其事

故言先神歸之其實神歸以否非晏子所能知也今

定本相叔向曰然雖吾公室今亦季世也戎馬不駕

卿無軍行注言晉衰弱不能征討救諸侯音義行戶

公乘無人卒列無長注百人為卒言人皆非其人非

其長音義

乘繩證反卒子忽反注同長丁丈反注同

庶民罷敝而宮室滋

侈注滋益也音義

罷音皮侈尺氏反又昌氏反

道殣相望注餓死

為殣音義

殣音覲說文云道中死者人所覆也毛詩作殣傳云殣路冢也

而女富溢

尤注女嬖寵之家民間公命如逃寇讎藥卻胥原狐

續慶伯降在皂隸注八姓晉舊臣之族也皂隸賤官

音義

卻主逆反皂才早反隸力計反

疏

注正義曰此八姓之先藥卻胥原狐皆卿也續簡伯慶鄭

伯宗亦見於傳先皆大夫也

政在家門注大夫專政民無所依君

日不悛以樂怡憂注怡藏也悛改也音義

悛七全反樂音洛又

音岳怡疏

正義曰劉炫云怡慢也好音樂而慢易憂他力反疏禍也杜以怡為藏當讀如弓韜之韜言以

音樂樂身埋藏憂愁於樂中猶古詩云埋憂地下也

公室之卑其何日之有注

言今至讒鼎之銘注讒鼎名也音義

讒仕咸反服云疾讒之鼎也

疏

注正義曰服虔云讒鼎疾讒之鼎明堂位所云崇鼎是也一云讒地名禹鑄九鼎於甘讒之地故曰

讒鼎二者並無案據其名不可審知故杜直云鼎名而已

曰昧旦丕顯後世猶怠

注昧旦早起也丕大也言夙興以務大顯後世猶解

怠音義

昧音妹丕普悲反解佳責反

況日不悛其能以乎晏子曰

子將若何注問何以免此難音義

況日人實反  
難乃旦反

叔向

曰晉之公族盡矣貯聞之公室將卑其宗族枝葉先

落則公從之貯之宗十一族注同祖為宗音義

貯許反

疏

正義曰世族譜云羊舌氏晉之公族也羊舌其所食邑名唯言晉之公族不知出何公也杜云同祖

為宗謂同出一公有十一族也譜又云或曰羊舌氏姓李名果有人盜羊而遺其頭不敢不受而埋之後盜羊事發辭連李氏李氏掘羊頭示之以明已不食唯識其舌存得免號曰羊舌氏杜言或曰蓋舊有此說杜所不從

記異聞耳

唯羊舌氏在而已貯又無子注無賢子

公室無度注無法度幸而得死注言得以壽終為幸

豈其獲祀注言必不得祀初景公欲更晏子之宅曰

子之宅近市湫隘囂塵不可以居注湫下隘小囂聲

塵土音義

近附近之近下同湫于小反徐音湫又在酒反下同隘於賣反囂許驕反一音五高

反請更諸爽塏者注爽明塏燥音義

塏苦代反疏注燥素刀反正

義曰塏高地故為燥也以所居下濕塵埃故欲更於明燥之處晏子春秋云將更於豫章之圃豫章之圃

高燥之地也

辭曰君之先臣容焉注先臣晏子之先人臣

不足以嗣之於臣侈矣注侈奢也且小人近市朝夕

得所求小人之利也敢煩里旅注旅衆也不敢勞衆

為已宅音義

朝如字下  
朝夕同

公笑曰子近市識貴賤乎對

曰既利之敢不識乎公曰何貴何賤於是景公繁於

刑注繁多也有鬻踊者故對曰踊貴屨賤既已告於

君故與叔向語而稱之注傳護晏子令不與張趙同

譏音義

鬻羊六反賣疏注正義曰傳護晏子故為發  
也令力呈反此傳而叔向亦言已國傳雖

無說蓋亦嘗以  
諫君故無譏也

景公為是省於刑君子曰仁人之言

其利博哉晏子一言而齊侯省刑詩曰君子如祉亂

庶遘已注詩小雅如行也祉福也遘疾也言君子行

福則庶幾亂疾止也音義

為是于偽反省所景反下同祉音耻過市專反

其

是之謂乎及晏子如晉公更其宅反則成矣既拜注

拜謝新宅乃毀之而為里室皆如其舊注本壞里室

以大晏子之宅故復之音義

壞音怪復音服下卒復為其復欲復之同則

使宅人反之注還其故室音義

還音環

且諺曰非宅是

卜唯鄰是卜注卜良鄰音義

諺音彥

二三子先卜鄰矣

注二三子謂鄰人違卜不祥君子不犯非禮注去儉

即奢為非禮小人不犯不祥古之制也吾敢違諸乎

卒復其舊宅公弗許因陳桓子以請乃許之注傳言

齊晉之衰賢臣懷憂且言陳氏之興○夏四月鄭伯

如晉公孫段相甚敬而卑禮無違者晉侯嘉焉授之

以策注策賜命之書音義相息亮反曰子豐有勞於

晉國注子豐段之父疏正義曰服虔云鄭僂公之為太子豐與之俱適晉計從太

子一朝於晉不足以為勞也或當別有功劳事無所見故杜不解之余聞而弗忘賜女

州田注州縣今屬河內郡音義汝女音以胙乃舊勲伯

石再拜稽首受策以出君子曰禮其人之急也乎伯



石之汰也注汰驕也音義

昨才路反  
汰音泰

一為禮於晉猶

荷其祿況以禮終始乎詩曰人而無禮胡不遄死其

是之謂乎初州縣樂豹之邑也注豹樂盈族音義

荷戶

可反任也  
又音可

及樂氏亡范宣子趙文子韓宣子皆欲之

文子曰溫吾縣也注州本屬溫溫趙氏邑二宣子曰

自卻稱以別三傳矣注卻稱晉大夫始受州自是州

與溫別至今傳三家音義

稱尺證反以別絕句  
三傳直專反注同

晉之

別縣不唯州誰獲治之注言縣邑既別甚多無有得

追而治取之文子病之乃舍之二子曰吾不可以正

議而自與也皆舍之及文子為政趙獲曰可以取州

矣注獲趙文子之子音義

乃舍音赦又音捨下同

文子曰退注

使獲退也二子之言義也注二子二宣子也違義禍

也余不能治余縣又焉用州其以徼禍也君子曰弗

知實難注患不知禍所起音義

馬於虔反

而知而弗從禍莫

大焉有言州必死豐氏故主韓氏注故猶舊也豐氏

至晉舊以韓氏為主人伯石之獲州也韓宣子為之

請之為其復取之之故注後若還晉因自欲取之為

七年豐氏歸州張本音義

為之于偽反下為其復為少姜下注為之辟仇為平

公逆皆同

○五月叔弓如滕葬滕成公子服椒為介及郊

遇懿伯之忌敬子不入注忌怨也懿伯椒之叔父敬

子叔弓也叔弓禮椒為之辟仇音義

介音界疏正義辟音避曰經

書夏叔弓

如滕五月葬滕公今傳文叔弓如滕亦在

五月之下杜於桓十六年注引此事以為本事異兩

書之故或言月或言時事異故文異其實叔弓亦以

五月行也劉炫云叔弓以四月發魯滕以五月葬君

叔弓書始行之月滕書實葬之月故書經異文也傳

述遇讐之事并就葬月言耳檀弓下云滕成公之喪

使子叔敬叔弔進書子服惠伯為介及郊為懿伯之  
忌不入惠伯曰政也不可以叔父之私不將公事遂  
入敬叔即此敬子也懿伯是惠伯之叔父為人所殺  
及滕郊遇懿伯之忌逢其讐也敬叔不入以禮惠伯  
欲使惠伯報叔父之讐殺彼人也惠伯以公義不可  
先入受館記文雖字有小異意與傳同而鄭玄注云  
敬叔有怨於懿伯難惠伯故不入又云敬叔於昭穆  
以懿伯為叔父其言差錯不可顯解是鄭之謬也注  
正義曰記云不可以叔父之私知懿伯是叔之叔父  
也叔弓不入者禮叔也為叔有辟仇之耻禮之欲使  
殺惠伯曰公事有公利無私忌叔請先入乃先受館

敬子從之注惠伯子服叔也傳言叔弓之有禮疏正

曰檀弓云子夏請問居昆弟之仇如之何曰仕不與  
共國衛君命而使雖遇之不闕鄭玄云為負而廢君

命也叔父之與昆弟親疎同耳故有公利無私忌辟仇非耻故椒請先入也

○晉韓起如

齊逆女注為平公逆公孫薑為少姜之有寵也以其

子更公女而嫁公子注更嫁公女音義

薑敕遺反

人謂宣

子子尾欺晉晉胡受之宣子曰我欲得齊而遠其寵

寵將來乎注寵謂子尾音義

遠于萬反

○秋七月鄭罕虎

如晉賀夫人且告曰楚人日徵敝邑以不朝立王之

故注楚靈王新立敝邑之往則畏執事其謂寡君而

固有外心其不往則宋之盟云注云交相見進退罪

也寡君使虎布之注布陳也宣子使叔向對曰君若辱有寡君在楚何害修宋盟也君苟思盟寡君乃知免於戾矣君若不有寡君雖朝夕辱於敝邑寡君猜焉注猜疑也音義

猜七才反

君實有心何辱命焉注言若

有事晉心至楚可不須告君其往也苟有寡君在楚猶在晉也張趯使謂大叔曰自子之歸也注歸在此年春小人糞除先人之敝廬曰子其將來今子皮實來小人失望大叔曰吉賤不獲來注賤非上卿音義

龔甫疏正義曰張超自晉使告大叔大叔在鄭遑報問反超語而云不獲來者教使者報超作至晉時

語故云不獲來今人之語猶然也

畏大國尊夫人也且孟曰而將無

事吉庶幾焉注孟張超也庶幾如超言○小邾穆公

來朝季武子欲卑之注不欲以諸侯禮待之穆叔曰

不可曹滕二邾實不忘我好敬以逆之猶懼其貳又

卑一睦焉注一睦謂小邾音義

實不忘我好絕句一讀以好字向下好呼

報反下文疏注正義曰睦親也言曹滕二邾皆

羣好同音疏親魯小邾是親魯者之一國也

逆羣

好也其如舊而加敬焉志曰能敬無災又曰敬逆來

者天所福也季孫從之○八月大雩旱也○齊侯田

於莒注莒齊東竟音義

竟音境下同

盧蒲癸見泣且請曰

余髮如此種種余奚能為注嬰慶封之黨襄二十八

年放之於竟種種短也自言衰老不能復為害音義

嬰普結反又匹石反見賢通反種本亦作董董章第反

公曰諾吾告二子注二

子子雅子尾歸而告之子尾欲復之子雅不可曰彼

其髮短而心甚長其或寢處我矣注言不可信九月

子雅放盧蒲癸于北燕注恐其復作亂疏

正義曰前已在竟今



復徙之  
遠國也

○燕簡公多嬖寵欲去諸大夫而立其寵人

冬燕大夫比以殺公之外嬖注比相親比音義

去起  
呂反

比此志  
反注同

公懼奔齊書曰北燕伯欵出奔齊罪之也注

欵罪輕於衛衍重於蔡朱故舉中示例音義

衍苦  
旦反

○

十月鄭伯如楚子產相楚子享之賦吉日注吉日詩

小雅宣王田獵之詩楚王欲與鄭伯共田故賦之音

義相息  
亮反

既享子產乃具田備王以田江南之夢注楚

之雲夢跨江南北音義

夢如字徐莫  
公反注同

○齊公孫寗卒

注竈子雅司馬竈見晏子注司馬竈齊大夫曰又喪

子雅矣晏子曰惜也子旗不免殆哉注以其不臣音

義

義浪反

姜族弱矣而嫡將始昌注嫡陳氏音義

嫡九反

二惠競爽猶可注子雅子尾皆齊惠公之孫也競彊

也爽明也又弱一个馬姜其危哉音義

个古賀反

經四年春王正月大雨雹注當雪而雹故以為災而書

之音義

雨于付反傳大雨雹同雹蒲學反

夏楚子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申注楚靈王始會諸侯音

義

沈音審

楚人執徐子注稱人以執以不道於其民告

秋七月楚子蔡侯陳侯許男頓子胡子沈子淮夷伐吳

注因申會以伐吳不言諸侯者鄭徐滕小邾宋不在故

也胡國汝陰縣西北有胡城疏

正義曰釋例班序譜稱齊桓既沒宋楚爭盟起

僖十八年盡二十七年陳與蔡凡三會在蔡上楚合諸侯蔡與陳凡六會其五在陳上莊十六年注云陳國小每盟會皆在衛下齊桓始霸楚亦始彊陳侯介於二大國之間而為三恪之客故齊桓因而進之遂班在衛上

終於春秋然則陳實小於蔡衛桓公進陳班耳楚以大  
小為序不進陳班故蔡多在陳上注正義曰傳稱楚子  
以諸侯伐吳則因會而遂行春秋一事而再見者皆前  
目而後凡計此當云諸侯逐伐吳不言諸侯者以屬晉  
之國鄭徐滕小邾宋皆不在行不得總言諸侯故別序  
之也傳稱宋華費遂鄭大夫從則宋鄭在行亦不序者  
楚既慰遠彼自義從楚執齊慶封殺之注楚子欲行霸  
人成已意遠不以告也

為齊討慶封故稱齊音義

為于偽反

遂滅賴

九月取鄆注鄆莒邑傳例曰克邑不用師徒曰取音義

鄆才  
陵反

冬十有二月乙卯叔孫豹卒

傳四年春王正月許男如楚楚子止之注欲與俱田

遂止鄭伯復田江南許男與焉注前年楚子已與鄭

伯田江南故言復音義

復扶又反注同與焉音預

使椒舉如晉求

諸侯二君待之注二君鄭許椒舉致命曰寡君使舉

曰日君有惠賜盟于宋注宋盟在襄二十七年曰晉

楚之從交相見也以歲之不易注不易言有難音義

易以豉反注同難乃旦反下文注同

寡人願結驩於二三君注欲得諸

侯謀事補闕音義

驩喚端反

使舉請間君若苟無四方之

虞注虞度也音義

請問徐音開一音如字度待洛反

則願假寵以請

於諸侯注欲借君之威寵以致諸侯晉侯欲勿許司

馬侯曰不可楚王方侈天或者欲逞其心以厚其毒

而降之罰未可知也其使能終亦未可知也晉楚唯

天所相注相助也音義

侈昌氏反又尺氏反逞數景反相息亮反注同

不可

與爭君其許之而修德以待其歸若歸於德吾猶將

事之况諸侯乎若適淫虐楚將棄之注棄不以為君

吾又誰與爭公曰晉有三不殆其何敵之有注殆危

也音義

殆直改反

國險而多馬齊楚多難注多纂弑之難

音義

纂初患反弑申志反

有是三者何鄉而不濟對曰恃險與

馬而虞鄰國之難是三殆也四獄注東獄岱西獄華

南獄衡北獄恒音義

鄉許亮反本又作嚮嶽音岳岱音代在兗州華如字又胡化反

在雍州衡如字在荊州恒如字或作常在冀州案作恒者是也北獄本名恒山漢為文帝諱改作常耳

疏

正義曰釋山云河南華河東岱河北恒江南衡李廵曰華西嶽華山也岱東嶽泰山也恒北嶽恒山

也衡南嶽衡山也釋例土地名云東嶽泰山奉高縣泰山也南嶽長沙湘南縣衡山也西嶽弘農華陰縣西南華山也北嶽中山曲陽縣西北恒山也郭璞注恒山名常山也北嶽中山曲陽縣西北恒山也郭璞注

四山明其即是四嶽故注者皆以嶽解之且諸書史傳譏緯皆以岱衡華恒為四嶽四嶽必是此四山也釋山又云泰山為東嶽華山為西嶽霍山為南嶽恒山為北嶽岱泰衡霍二丈不同者此二嶽者皆一山而二名也白虎通云嶽者何嶽之為言稱也稱功德也應劭風俗通云嶽稱也稱考功德然則四方方有一山天子巡狩至其下稱考諸侯功德而黜陟之故謂之嶽也風俗通又云泰山山之尊者一曰岱宗岱始也宗長也萬物之始陰陽交代故為五嶽長王者受命恒封禪之衡山一名霍山言萬物霍然大也華變也萬物成變由於西方也恒常也萬物伏北方有常也是解衡之與霍泰之與岱皆一山有二名也張揖云天柱謂之霍山漢書地理志云天柱在廬江濡縣風俗通亦云霍山廟在廬江濡縣如彼所云則霍山在江北而得與江南衡山為一者本江南衡山一名霍山漢武帝移嶽神於天柱又名天柱為



霍山故漢魏以來銜霍別耳郭璞注爾雅云霍山今廬江潯陽縣潯水出焉別名天柱山漢武帝以銜山連嶺故移其神於此今其土俗人皆呼之為南嶽嶽本自以兩山為名非從近來也而學者多以霍山不得為南嶽又云從漢武帝來始有名即如此言為武帝在爾雅之前乎斯不然也是解銜霍二名之山也書傳多云五岳此傳云四嶽者中嶽嵩高三塗注在河即大室是也下別言之故此云四嶽也

南陸渾縣南音義

三塗山名大行轅轅峭澗也渾戶昏反又戶困反

疏

正義曰服

虔云三塗大行轅轅峭澗也謂三塗為三處道也杜云在河南陸渾縣南則以三塗為一釋例土地名云三塗河南陸渾縣南山名或曰三塗伊闕大谷轅轅三道也傳曰晉將伐陸渾而先有事於洛與三塗先祭山川也謂三道皆非也是杜據彼陽城注在陽城十七年傳文知三塗是山非三道也

縣東北疏

正義曰陽城山名也土地名云河南陽城縣東北山消水所出也

大室注

在河南陽城縣西北音義

大室音泰下文大室同大室即中嶽嵩高山也在豫

州疏

正義曰大室即嵩高也釋山云嵩高為中岳郭璞云大室山也別名外方今在河南陽城縣西

北土地名云大室河南陽城縣西嵩高山中嶽也地理志云武帝置嵩高縣以奉大室之山是為中嶽又

有少室在大荆山注在新城汴鄉縣南音義

汴音市又音示

漢書音義音穉或一音肆則當水旁作示恐非本或作濞字誤也

中南注在始平武

功縣南九州之險也是不一姓注雖是天下至險無

德則滅亡冀之北土注燕代音義

燕烏賢反

馬之所生無

興國焉恃險與馬不可以為固也從古以然是以先

王務修德音以亨神人注亨通也音義

亨許庚疏注反注同

義曰易文言云亨者嘉之會也嘉會禮通謂之亨是亨為通也言治民事神使人神通說故云以亨神人

也不聞其務險與馬也鄰國之難不可虞也或多難

以固其國啓其疆土或無難以喪其國失其守字注

於國則四垂為字音義

疆居良反喪疏注正義曰易息浪反下同稱上棟下宇

宇謂屋簷也於屋則簷邊為宇也於國則四垂為宇也四垂謂四竟邊垂若何虞難齊有

仲孫之難而獲桓公至今賴之注仲孫公孫無知事

在莊九年晉有里平之難而獲文公是以為盟主注

里克平鄭事在僖九年音義

平晉悲反

衛邢無難敵亦喪

之注閔二年狄滅衛僖二十五年衛滅邢音義

邢音刑

故人之難不可虞也恃此三者而不修政德亡於不

暇又何能濟君其許之紂作淫虐文王惠和殷是以

隕周是以興夫豈爭諸侯乃許楚使使叔向對曰寡

君有社稷之事是以不獲春秋時見注言不得自往

謙辭音義

紂直救反隕于敏反楚使所更反向許文反見賢通反下注朝見昏見同

諸侯

君實有之何辱命焉椒舉遂請昏注蓋楚子遣舉時  
兼使求昏晉侯許之楚子問於子產曰晉其許我諸  
侯乎對曰許君晉君少安不在諸侯注安於小小不  
能遠圖音義少安如字其大夫多求注貪也莫匡其君疏  
正義曰釋言云匡正也孝經云君子之事上也將順其美匡救其惡在宋之盟又曰如  
一注晉楚同也若不許君將焉用之注焉用宋盟音

義

馬於虔反注同

王曰諸侯其來乎對曰必來從宋之盟承

君之歡不畏大國注大國晉也何故不來不來者其

魯衛曹邾乎曹畏宋邾畏魯魯衛偏於齊而親於晉

唯是不來其餘君之所及也誰敢不至注言楚威力

所能及音義

偏彼力反

疏

正義曰言其餘諸侯君之威力所能及誰敢不來至楚者也

王曰然則吾所求者無不可乎對曰求逞於人不可

注逞快也求人以快意人必違之與人同欲盡濟注

為下會申傳○大雨雹季武子問於申豐曰雹可禦

乎注禦止也申豐魯大夫對曰聖人在上無雹雖有

不為災疏

正義曰無雹復云雖有不為災者言有相形之勢也聖人在上無雹言必無雖有不

為災復見無電之意猶論語祭  
肉不出三日出三日不食之矣  
古者日在北陸而藏

冰注陸道也謂夏十二月日在虛危冰堅而藏之疏

注正義曰釋例云北陸虛也西陸昴也孫炎云陸中  
也北方之宿虛為中也西方之宿昴為中也彼以陸  
為中杜以陸為道者陸之為中為道皆為正訓各以  
意言耳杜以西陸朝覲謂奎星朝見昴為西方中宿  
則昴未得見宿是日行之道爾雅高平曰陸高平是  
道路之處故以陸為道也日在北陸為夏之十二月  
也十二月日在玄枵之次小寒節大寒中漢書律歷  
志載劉歆三統歷云玄枵之初日在婺女八度為小  
寒節在危初度為大寒中終於危十五度是夏之十  
二月日在虛危也於是之時寒極冰厚故取而藏之  
也周禮凌人正歲十有二月令斬冰詩云二之日鑿  
冰冲冲月令季冬冰盛水腹命取冰鄭玄云腹厚也

以此知日在北陸西陸朝覲而出之注謂夏三月日謂夏之十二月也

在昴畢蟄蟲出而用水春分之中奎星朝見東方疏

正義曰覲見也西道之宿有星朝見者於是而出之謂奎星晨見而出水也注正義曰杜以西陸為三月日在大梁之次清明節穀雨中三統厯云大梁之初日在胃七度為清明節在昴八度為穀雨中終於畢十一度是夏之三月日在昴畢於是之時蟄蟲已出有溫暑臭穢宜當用水故以是時出之也厯法星去日半次則得朝見三統厯春分日在婁四度宿分奎有十六度乃次婁則春分之日奎之初度去日已二十度矣故春分之中得早朝見東方也西方凡有七宿傳言西陸朝覲於傳之文未知何宿覲也服虔以為二月日在婁四度春分之中奎始朝見東方以是時出水月令仲春天子乃獻羔啓冰是也服虔又以



此言出之即是仲春啓水故為此說案下句再言其藏其出覆此藏出之文言其出之也朝之祿位賓食喪祭於是乎用之即是班冰之事非初啓也安得以出之為啓水也如鄭玄答其弟子孫皓問云西陸朝觀謂四月立夏之時周禮夏班冰是也與杜說異理亦通也劉炫云春分奎星已見杜以夏三月仍云奎始朝見非其義也杜鄭及服三說鄭為近之今知非者杜以西陸朝觀實是春分二月故杜此注云春分之中奎星朝見東方及下獻羔啓之注云謂二月春分獻羔祭韭是也皆據初出其水公始用之時也所以杜又注云謂夏之三月日在昴畢蟄蟲出而用水者以此傳云西陸朝觀而出之下傳覆之云其出之也朝之祿位賓食喪祭於是乎用之既云朝之祿位賓食喪祭則是普賜羣臣故杜云謂夏三月又下注云言不獨共公是據普班之時也故下傳又云火出而畢賦是也然冰之初出在西陸始朝觀之時冰之

普出在西陸朝覲之後總而言之亦得稱西陸朝覲  
而出之也劉炫不細觀杜意以為杜既言春分朝見  
又言謂夏三月其藏冰也深山窮谷固陰沍寒於是  
以規杜失非也

乎取之注沍閉也必取積陰之水所以道達其氣使

不為災疏

正義曰此傳再言其藏其出者上言取之  
用之之事下言藏之出之之禮也山則遠

而難窮故言深山也谷則近而易盡故言窮谷也固  
牢也沍閉也牢陰閉寒言其不得見日寒甚之處於  
是乎取之注正義曰周禮鼃人掌互物鄭司農云互  
物謂龜鼃有甲滿胡是沍為閉也深山窮谷之水至  
夏猶未釋陽氣起於下隔於冰伏積而不能出憤發  
或散而為雹藏冰必取此山谷之內積陰之水所以  
道達其氣使不為災也藏冰凌室所藏不多積陰之  
冰不可取盡不取川池之水以示道達陽氣耳未必

陽氣皆待此而達也

其出之也朝之祿位賓食喪祭於是乎用

之注言不獨共公疏

正義曰此謂公家用之也朝廷之臣食祿在位大夫以上皆當

賜之水也其公家有賓客享食公家有喪有祭於是乎用之言其不獨共公身所用也周禮凌人云春始治鑑凡內外饗之膳羞鑑焉凡酒漿之酒醴亦如之祭祀共冰鑑賓客共冰大喪共夷槃冰是公家所用也其藏之也黑牡秬黍以享司寒注黑牡黑牲也秬

黑黍也司寒玄冥北方之神故物皆用黑有事於冰

故祭其神音義

牡茂后反秬音巨冥亡丁反

疏

注正義曰此祭玄冥之神非大神且

非正祭計應不用大牡杜言黑牡黑牲當是黑牡羊也秬黑黍釋草文也啓冰唯獻羔祭韭藏冰則祭用

牲黍者啓唯告而已藏則設享祭之禮祭禮大而告  
禮小故也月令於冬云其神玄冥故知司寒是玄冥  
也北方之神故物皆用黑從其  
其出之也桃弧棘矢  
方色也有事於冰故祭其寒神

以除其災注桃弓棘箭所以禳除凶邪將御至尊故

音義

弧音胡禳如羊  
反邪似嗟反

疏

注正義曰說文云弧木弓也  
謂空用木無骨飾也服虔云

桃所以逃凶也棘矢者棘赤有箴取其名也蓋出冰  
之時置此弓矢於凌室之戶所以禳除凶邪將御至  
尊故慎其事為此禮也此傳言其出之也雖覆上文  
出之之文其實此出之謂二月初出之時公將用之  
故設弓矢也劉炫云此言出之覆上西陸朝覲知是  
火出時事二月已啓此方用弓矢者二月啓冰始薦  
宗廟此公將用  
其出入也時食肉之祿冰皆與焉注  
之故設弓矢也

食肉之祿謂在朝廷治其職事就官食者音義與音

預

疏

注正義曰在官治事官皆給食大夫以上食乃有肉故魯人謂曹劌曰肉食者謀之又說子雅子尾

之食云公膳曰饔飩是大夫得食肉也傳言食肉之祿祿即此肉是也若依禮常所合食案玉藻云天子

日食少牢諸侯日食特牲大夫特豕士特豚則士亦食肉但彼是在家之禮非公朝常食也杜言謂在朝

廷治其職事就官食者以明在官之食有水耳下云自命夫命婦無不受水謂賜之水受以歸在家用之

也 大夫命婦喪浴用水注命婦大夫妻音義

浴音疏

正義曰喪服傳曰大夫弔於命婦錫衰命婦弔於大夫亦錫衰此傳與彼命婦之文皆與大夫相對故杜知是大夫妻也喪大記云君設大盤造水焉大夫設夷盤造水焉士併瓦盤無水鄭玄云禮自仲春之後

尸既襲既小飲先內冰盤中乃設牀於其上不施席而遽尸焉秋涼而止士喪禮君賜冰亦用夷盤是當喪之時特賜之冰浴訖乃設故云喪浴用水 祭寒而藏之注享司寒音義

祭寒而藏之本或獻羔而啓之注謂二月春分獻羔作祭司寒者非

祭韭開冰室音義

韭

音疏

正義曰上巳云其藏冰也黑牡秬黍以享司寒今復

云祭寒而藏之與上一事而重其文者欲明獻羔而啓之還是獻之於寒神故更使藏之啓之文相對也

注正義曰詩云四之日其蚤獻羔祭韭四之日即夏之二月也告神而始開冰室始薦宗廟薦神之後公

遂用之俱在公始用之注公先用優尊火出而畢賦春分之月

注火星昏見東方謂三月中疏

注正義曰十七年傳云火出於

夏為三月於商為四月於周為五月此云火出而畢賦謂以火出而後賦之以火出為始也周禮云夏頒冰為正歲之夏即四月自命夫命婦至於老疾無不是也故杜兼言四月

受冰注老致仕在家者山人取之縣人傳之注山人

虞官縣人遂屬音義

傳直疏注正義曰周禮山虞掌專反山林之政令知山人虞

官也周禮五縣為遂是縣為遂之屬也與人納之隸人藏之注與隸皆

賤官音義

與音餘

夫冰以風壯注冰因風寒而堅音義

壯側亮反而以風出注順春風而散用其藏之也周注周

密也其用之也徧注及老疾音義

徧音通

則冬無愆陽

注愆過也謂冬溫音義

愆起度反

夏無伏陰注伏陰謂夏

寒春無淒風注淒寒也音義

淒七西反

秋無苦雨注霖雨

為人所患苦音義

霖音林

疏

注正義曰詩云以祈甘雨此云苦雨雨水一也味無

甘苦之異養物為甘害物為苦耳月令云孟夏行秋令則苦雨數來五穀不滋是霖雨為人所患謂之苦也鄭玄云申之氣乘之苦雨白露之類時物得而傷也雷出不震注震寔也音

義

寔音亭又音挺又亭佞反

疏

注正義曰說文云震劈歷震物者釋天云疾雷為寔寔郭璞云雷之

急激者謂劈歷則寔是震之別名雷出不震言有雷而不為霹靂也下云雷不發而震言無雷而有霹靂

也無苗霜雹癘疾不降注癘惡氣也音義

苗音災下同癘音例



疏

正義曰霜雹即是蓄言無此蓄害之霜雹也寒民暑失時則民多癘疾癘疾天氣為之故云降也

不夭札注短折為夭夭死為札音義

札側八反一音截字林作壯列

反疏

注正義曰洪範六極一日凶短折孔安國曰短未六十折未三十是短折為少夭之名也周禮

膳夫夭札則不舉鄭玄云夭札疫癘也謂遭疫癘而夭死也癘疾謂民病夭札謂人死故云夭死為札

今藏川池之水棄而不用注既不藏深山窮谷之水

又火出不畢賦有餘則棄之風不越而殺雷不發而

震注越散也言陰陽失序雷風為害音義

殺如字又色界反徐

色例疏正義曰風不以理舒散而暴疾殺反物雷不徐緩動發而震擊為害

電之為蓄

誰能禦之七月之卒章藏冰之道也注七月詩豳風

卒章曰二之日鑿冰冲冲謂十二月鑿而取之三之

日納于凌陰凌陰冰室也四之日其蚤獻羔祭韭謂

二月春分蚤開冰室以薦宗廟音義

豳彼貧反鑿在洛反冲冲直忠

反凌陵證反一

疏

注正義曰凌人十二月令斬冰月令十二月令取冰當是即以其月

音陵蚤音早

納於凌室也詩言三之日納于凌陰即是正月矣不以鑿冰之月即納之者鄭玄云豳土晚寒可以正月

納冰言由晚寒故也上言將欲頒賦公始用之知蚤開冰室唯薦宗廟何休膏肓難此云春秋書雹以為

政之所致非由冰也若今朝廷藏冰亦不於深山窮谷何故或無雹天下郡縣皆不藏冰何故或不雹若

言有之於古者必有驗於今此其不合於義失天人相與之意鄭玄歲之曰雨雹政失之所致是固然也國之失政君子知其大者其次知其小者藏水之禮凌人掌之月令載之豳詩歌之此獨非政與故其小者耳夫深山窮谷固陰沍寒極陰之處水凍所聚不取其水則氣畜不泄結滯而為伏陰凡雨水陽也雷雹陰也雨水而伏陰薄之則凝而為雹雨雪而愆陽薄之則合而為霰申豐見時失藏水之禮而有雹推之陰陽知此伏陰所致亦聖人之寓言也詳載其言者以著藏水之理不可廢耳炫謂鄭言是也申豐寄言於此以諫失政其

○夏諸侯如楚魯衛曹邾不會

曹邾辭以難公辭以時祭衛侯辭以疾注如子產言

音義

難乃疏正義曰宋之盟邾滕為私屬不許交相且反見而楚召邾滕使從會者邾滕自欲辟

役不在宋盟又晉令諸侯常列於會襄二十九年城杞三十年會于澶淵邾滕皆在楚知其事故使召之

此申之會滕至而邾不至鄭伯先待于申注自楚先至會地六月

丙午楚子合諸侯于申椒舉言於楚子曰臣聞諸侯無歸禮以為歸今君始得諸侯其慎禮矣霸之濟否在此會也夏啓有鈞臺之享注啓禹子也河南陽翟

縣南有鈞臺陂盖啓享諸侯於此音義

夏啓戶雅反注倣此鈞音

均陂彼宜反

商湯有景亳之命注河南鞏縣西南有湯亭

或言亳即偃師音義

亳步各反鞏九勇反

周武有孟津之誓注

時伐紂也音義

孟本又作盟音孟

成有岐陽之蒐注周成王

歸自奄大蒐於岐山之陽岐山在扶風美陽縣西北

音義

岐其宜反蒐所求反

康有鄆宮之朝注鄆在始平鄆縣東

有靈臺康王於是朝諸侯音義鄆芳弓反穆有塗山之會

注周穆王會諸侯於塗山塗山在壽春東北疏

正義曰此

六王之事唯周武王孟津之誓尚書有其事武王伐殷作泰誓三篇是也其餘五者皆書傳無文不能知其本末注正義曰書序云成王歸自奄在宗周誥庶邦作多方其經云告爾四國多方則於時諸侯大集故謂岐陽之齊桓有召陵之師注在僖四年音義

召名

反照晉文有踐土之盟注在僖二十八年君其何用宋

向戌鄭公孫僑在諸侯之良也君其選焉注選擇所

用音義

向舒亮反戌音恆僑其僑反

王曰吾用齊桓注用會召陵

之禮疏

正義曰用會召陵之禮出自王意也服虔云召陵之役齊桓退舍以禮楚靈王今感其意

是以王使問禮於左師與子產左師曰小國習之大

國用之敢不薦聞注言所聞謙示所未行獻公合諸

侯之禮六注其禮六儀也宋爵公故獻公禮疏

注正義曰

以言禮六故言其禮六儀當是會上有此六儀不知六者何謂也

子產曰小國共職

敢不薦守獻伯子男會公之禮六注鄭伯爵故獻伯

子男會公之禮其禮同所從言之異音義共音恭守手又反

疏注正義曰杜知其禮同所從言之異者以左師獻公合諸侯之禮六子產獻伯子男會公之禮六若

其各異凡十二禮下椒舉云禮吾所未見者六焉故知其禮同也於公言之云合諸侯之禮於伯子男言

之云會公之禮是所從言之異君子謂合左師善守先代子產善相

小國王使椒舉侍於後以規過注規正二子之過音

義相息亮反卒事不規王問其故對曰禮吾未見者有六

焉又何以規注左師子產所獻六禮楚皆未嘗行宋

太子佐後至王田於武城久而弗見椒舉請辭焉注

請王辭謝之王使往曰屬有宗祧之事於武城注言

為宗廟田獵音義

屬章王反適也祧他彫反為于偽反

疏正義曰土地名楚之武城

在南陽宛縣北也魯之武城在泰山南武城縣也有澹臺子羽冢

寡君將墮幣焉敢

謝後見注恨其後至故言將因諸侯會布幣乃相見

經并書宋太子佐知此言在會前音義

墮許規反布也服云輸也

見如字又疏

正義曰杜唯云將因諸侯會布幣乃相見遍反見不解墮之義案隱六年公羊傳鄭人

來輸平輸平者何輸平猶墮成也然則墮是輸之義也朝聘之禮客必致幣於主據主則為受據客則為



輸襄三十一年傳子產論幣云其輸之則君之府實也非薦陳之不敢輸也是謂布幣為輸幣也言將待輸幣之時乃相見見既在後故遣我來敢謝後見也服虔云墮輸也言將輸受宋之幣於宗廟案禮之享幣皆令宰受不以薦宗廟雖訓為輸義不當也徐子吳出也以為貳焉故執

諸申注言楚子以疑罪執諸侯楚子示諸侯侈注自

奢侈椒舉曰夫六王二公之事注六王啓湯武成康

穆也二公齊桓晉文皆所以示諸侯禮也諸侯所由

用命也夏桀為仍之會有緡叛之注仍緡皆國名音

義仍而承反商紂為黎之蒐東夷叛之注黎東夷國

名音義

黎力兮反

周幽為大室之盟戎狄叛之注大室中

獄皆所以示諸侯汰也諸侯所以棄命也今君以汰

無乃不濟乎王弗聽子產見左師曰吾不患楚矣汰

而愼諫注愼狠也音義

汰音泰愼皮逼反狠胡懇反

不過十年左

師曰然不十年侈其惡不遠遠惡而後棄注惡及遠

方則人棄之善亦如之德遠而後興注為十三年楚

弑其君傳○秋七月楚子以諸侯伐吳宋太子鄭伯

先歸注經所以更叙諸侯也時晉之屬國皆歸獨言

二國者鄭伯久於楚宋大子不得時見故慰遣之音

義

又見賢遍反如字

宋華費遂鄭大夫從注從伐吳以答見

慰音義

費扶味反從才用反注同

使屈申圍朱方注朱方吳邑齊

慶封所封也屈申屈蕩之子音義

屈居忽反

八月甲申克

之執齊慶封而盡滅其族注慶封以襄二十八年奔

吳八月無甲申日誤疏

正義曰長歷推此年七月己未朔二十六日得甲申八月

己丑朔其月無甲申而傳上有七月下有九月月不容誤故知日誤將戮慶封椒舉曰

臣聞無瑕者可以戮人慶封惟逆命是以此注逆

命謂性不恭順其肯從於戮乎注言不肯默而從戮

播於諸侯焉用之注播揚也音義

播波佐反徐云字或作幡敷袁反焉

於虔反

王弗聽負之斧鉞以徇於諸侯使言曰無或如

齊慶封弑其君弱其孤以盟其大夫注齊崔杼弑君

慶封其黨也故以弑君罪責之音義

鉞音越徇似俊反杼直吕反

疏

正義曰崔杼弑莊公立其弟景公孤謂景公也以其幼小輕弱之

慶封曰無或如

楚共王之庶子圍弑其君兄之子麇而代之盟諸

侯疏

正義曰靈王即位以來經傳不見與諸侯盟事蓋楚子自與屬楚諸侯私盟不告魯而慶封知

之王使速殺之遂以諸侯滅賴賴子面縛銜璧士袒

輿櫬從之造於中軍注中軍王所將音義

其音恭廩九倫反袒

音但輿櫬所覲反棺也造七報反將子匠反下將帥同

王問諸椒舉對曰成王

克許注在僖六年許僖公如是王親釋其縛受其璧

焚其櫬王從之注從舉言音義

縛如字舊扶卧反

遷賴於鄢

注鄢楚邑音義

鄢於晚反又於建反

楚子欲遷許於賴使闕章

龜與公子棄疾城之而還注為許城也韋龜子文之

玄孫音義

偽為子反

申無宇曰楚禍之首將在此矣召諸

侯而來伐國而克城竟莫校注謂築城於外竟諸侯

無與爭音義

竟音境注同  
爭爭闕之爭

王心不違民其居乎注言

將有事不得安也民之不處其誰堪之不堪王命乃

禍亂也○九月取鄆言易也莒亂著丘公立而不撫

鄆鄆叛而來故曰取凡克邑不用師徒曰取注著丘

公去疾也不書奔者潰散而來將帥微也重發例者

以通叛而自來音義

易以豉反著直居反徐直據反  
去起呂反潰戶對反帥所賴反

重直用反○鄭子產作丘賦注丘十六井當出馬一匹牛

三頭今子產別賦其田如魯之田賦田賦在哀十一

年疏

注正義曰丘十六井當出馬一匹牛三頭司馬法之文也服虔以為子產作丘賦者賦此一丘

之田使之出一馬三牛復古法耳丘賦之法不行久矣今子產復修古法民以為貪故謗之案春秋之世兵革數興鄭在晉楚之間尤當其劇正當重於古不應廢古法也若往前不修此法豈得全無賦乎故杜以為今子產於牛馬之外別賦其田如魯之田賦田賦在哀十一年彼注云丘賦之法因其田財通出馬一匹牛三頭今欲別其田及家財各為一賦故言田賦然則此與彼同賦歛家資使出牛馬又別賦其田使之出粟若今輸租更出馬一匹牛三頭是一丘出兩丘之稅案周禮有夫征家征夫征謂出稅家征謂出車徒給徭役此牛馬之屬則周禮之家國人謗之征也其夫征十一而稅是與家征別也

注謗毀也曰其父死於路注謂子國為尉氏所殺已

為蠆尾注謂子產重賦毒害百姓音義

蠆敕遺反

以令於

國國將若之何子寬以告注子寬鄭大夫子產曰何

害苟利社稷死生以之注以用也且吾聞為善者不

改其度故能有濟也民不可逞度不可改注度法也

詩曰禮義不愆何恤於人言注逸詩子產自以為權

制濟國於禮義無愆吾不遷矣注遷移也渾罕曰國

氏其先亡乎注渾罕子寬音義

渾矢溫反罕徐許但反

君子作



法於涼其敝猶貪注涼薄也音義

涼音良徐音亮

作法於貪

敝將若之何注言不可以行姬在列者注在列國也

蔡及曹滕其先亡乎偪而無禮注蔡偪楚曹滕偪宋

鄭先衛亡偪而無法注偪晉楚疏

正義曰渾罕意譏子產將言鄭之先

亡故遂博言諸國亡之先後杜據世本史記作世族譜說諸國滅亡之年此下十一年楚滅蔡十三年蔡

復封春秋後二世十八年而楚滅蔡也哀八年宋滅曹也滕以春秋後六世而齊滅之鄭在春秋後五世

九十一年韓滅鄭衛在春秋後十一世二百五十八年而秦滅衛也據蔡之前亡則渾罕之言終亦驗矣

政不率法而制於心民各有心何上之有注子產權

時救急渾罕譏之正道○冬吳伐楚入棘櫟麻注棘

櫟麻皆楚東鄆邑譙國鄆縣東北有棘亭汝陰新蔡

縣東北有櫟亭音義

櫟力狄反徐又失灼反鄆才河反

疏

注正義曰吳來伐楚

入此三邑知此三邑皆楚之東鄆故疑新蔡縣東北有櫟亭者是此櫟亭也鄭有櫟邑者則河南陽翟縣

也以報朱方之役注朱方役在此年秋楚沈尹射奔

命於夏汭注夏汭漢水曲入江今夏口也吳兵在東

北楚盛兵在東南以絕其後音義

尹射食夜反又食亦反一音夜夏戶

雅反夏汭如銳反

歲尹宜咎城鍾離注宜咎本陳大夫襄二

十四年奔楚音義

歲之林反  
咎其九反

遂啓疆城巢然丹城州

來注然丹鄭穆公孫襄十九年奔楚音義

達于委反  
禮其良反

又居良反

東國水不可以城彭生罷賴之師注彭生楚大

夫罷闔韋龜城賴之師音義

罷皮買反  
徐甫綺反

○初穆子去

叔孫氏及庚宗注成十六年辟僑如之難奔齊庚宗

魯地音義

難乃旦反

遇婦人使私為食而宿焉問其行告

之故哭而送之注婦人聞而哭之適齊娶於國氏注

國氏齊正卿姜姓音義

娶七住反

生孟丙仲壬夢天壓已

弗勝注穆子夢也音義

壓於甲反又於輒反勝音升下同

顧而見人

黑而上樓注上樓肩偃音義

偃力主反偃紆甫反

深目而顰喙

注口象豬音義

顰音加喙許穢反

號之曰牛助余乃勝之旦

而皆召其徒無之注徒從者音義

號胡到反一音戶刀反下同從才用

反且曰志之注志識也音義

識申志反一音式

及宣伯奔齊

饋之注宣伯僑如穆子之兄成十六年奔齊穆子饋

宣伯音義

饋求位反餉也

宣伯曰魯以先子之故注先子宣

伯先人將存吾宗必召女召女何如對曰願之久矣

注言兄始為亂已則有今日之願蓋忽言音義

女音汝下

同魯人召之不告而歸既立注在齊生孟丙仲壬魯

召之立為卿襄二年始見經音義

見賢遍反下接見同

所宿庚

宗之婦人獻以雉注獻穆子問其姓注問有子否音

義

問其姓女生曰姓謂子也

對曰余子長矣能奉雉而從我矣

注襄二年豎牛五六歲音義

長丁丈反下疏正義曰同奉芳勇反

穆子還

魯傳無歸歲襄二年始見於經疑是其年新還也成十六年傳云子叔聲伯使叔孫豹請逆于晉師於時豹猶在魯疑其因使而遂奔齊蓋自鄭過魯而去故得宿於庚宗成十六年出奔襄二年始還凡經五年

故豎牛五六歲能奉雉也計豎牛至襄二年四歲也杜言五六歲者豎牛見穆子未必即以還年見之

召而見之則所夢也未問其名號之曰牛曰唯皆召

其徒使視之遂使為豎注豎小臣也傳言從夢未必

吉音義

唯維癸反徐以水反唯應辭猶囁也豎士注反疏正義曰曲禮云父

諾唯而起鄭玄云應辭唯恭於諾

有寵長使為政注為家政公孫明

知叔孫於齊注公孫明齊大夫子明也與叔孫相親

知歸未逆國姜子明取之注國姜孟仲母音義

取七佳反

又如字

故怒其子長而後使逆之注子孟丙仲壬疏

正義

曰怒者怒其妻也怒其母遂及其子其子田於丘猶在齊成長而後逆之歸魯非謂逆其妻也

注丘猶地名音義

由音

遂遇疾焉豎牛欲亂其室而

有之強與孟盟不可注欲使從已孟不肯音義

強其反

下疏

正義曰孟雖適妻之子叔孫未立為嗣豎牛欲亂其室望已有之未應即欲為適使孟事已強

與盟者欲其與已同心使已得專恣耳

叔孫為孟鍾曰爾未際注際接

也孟未與諸大夫相接見音義

為于偽反又如字

疏

注正義曰釋詁

云際接捷也郭璞曰捷謂相接續也大夫將立適子必須接見同寮季武子立紇飲大夫酒是其事也孟內未與大夫交接故為之饗大夫以落之注以玃豬作鍾因落鍾令與相見

血饗鍾曰落音義

饗許貌反

疏

注正義曰說文云饗血祭也雜記饗廟之禮云雍人

舉羊升屋自中中屋南面封羊血流于前是饗祭之法以血澆落之知落之即是饗也雜記又曰凡宗廟

之器其名者成則饗之以俶豚是知以俶豬之血也記稱宗廟之器成乃饗以俶豚此叔孫為孟作鍾非

是宗廟之器亦饗之者周禮小子職曰饗邦器及軍器鄭玄云邦器謂禮樂之器及祭器之屬此鍾是禮

樂之器故饗也既具注饗禮具使豎牛請日注請饗日疏

正義

曰孟不自請使豎牛者內則云由命士以上父子皆異宮鄭玄云異宮者樂敬也以其異宮故使豎牛

入弗謁注謁日也出命之日注詐命也及賓至聞鍾

聲牛曰孟有北婦人之客注北婦人聞姜也客謂公



孫明怒將往牛止之賓出使拘而殺諸外注殺孟氏

音義

俱音

牛又強與仲盟不可仲與公御萊書觀於

公注萊書公御士名仲與之私遊觀於公宮音義

萊書

音來人姓名觀古  
亂反注同又如字

公與之環注賜玉環使牛入示之

注示叔孫入不示出命佩之牛謂叔孫見仲而何注

而何如何音義

見賢遍反下及  
注杜泄見同

叔孫曰何為注恠牛

言曰不見既自見矣注言仲已自往見公公與之環

而佩之矣疏

正義曰而如同是語辭故注云而何如  
何牛謂叔孫曰以仲見君何問何故以

仲見君也叔孫恠其語故曰何為牛曰不將仲見君乎若不將見則既自見君矣言不待父命所以怒叔孫也大夫立子為適必自見之於君宣十四年申舟見犀而行定六年樂祁見澗而行是其事也或曰豎牛謂叔孫曰今將仲見君其事如何叔孫以已見病故恠之曰何為以下同

遂逐之奔齊

疾急命召仲牛許而不召杜洩見告之饑渴授之戈

注杜洩叔孫氏宰也牛不食叔孫叔孫怒欲使杜洩

殺之音義

洩息列反  
食音嗣

對曰求之而至又何去焉注言

求食可得無為去豎牛蓋杜洩力不能去設辭以免

音義

去起呂反  
注及下同

豎牛曰夫子疾病不欲見人使寘饋

于个而退注寘置也个東西廂音義

寘之鼓反本或作奠个古賀反

謂廂屋廂本疏

正義曰禮置器物於地皆謂之置是作箱息羊反寘為置也月令天子居左个右个是

个為東西廂也

牛弗進則置虛命徹注寫器令空示若叔孫

已食命去之音義

令力呈反

十二月癸丑叔孫不食乙卯

卒注三日絕糧牛立昭子而相之注昭子豹之庶子

叔孫婁也音義

相息亮反婁救畧反

公使杜洩葬叔孫豎牛賂

叔仲昭子與南遺注昭子叔仲帶也南遺季氏家臣

音義

賂路音

使惡杜洩於季孫而去之注憎洩不與已

同志音義

急鳥路反

杜洩將以路葬且盡卿禮注路王所

賜叔孫車南遺謂季孫曰叔孫未乘路葬焉用之且

冢卿無路介卿以葬不亦左乎注冢卿謂季孫介次

也左不便音義

葬焉於虔反下將焉用同介音界左如字注同舊音佐便婢面反

季

孫曰然使杜洩舍路注舍置也音義

舍式夜反注同或音捨

不

可曰夫子受命於朝而聘于王注在襄二十四年夫

子謂叔孫王思舊勲而賜之路注感其有禮以念其

先人復命而致之君注豹不敢自乘君不敢逆王命

而復賜之使三官書之吾子為司徒實書名注謂李

孫也書名定位號音義

復扶又反

夫子為司馬與工正書

服注謂叔孫也服車服之器工正所書孟孫為司空

以書勲注勲功也疏

正義曰杜洩是叔孫家臣故稱已君為夫子工正是司馬之屬

官也季孟亦有屬官共書其事但季孟身在不假言屬以叔孫已亡取屬官為徵故兼言之所以司徒書名者周禮大司徒掌十二教十有一曰以賢制爵十有二曰以庸制祿故司徒書名定位號也司馬與工正書服者周禮夏官司馬其屬有司士掌羣臣之政以德詔爵以功詔祿工正雖不屬司馬掌作車服故與司馬書服也案周禮司勲屬夏官今司空書今死

勲者春秋之時

又是諸侯之法不可盡與禮同

死

而弗以是棄君命也書在公府而弗以是廢三官也  
若命服生弗敢服死又不以將焉用之乃使以葬季  
孫謀去中軍豎牛曰夫子固欲去之注誣叔孫以媚  
季孫音義媚眉疏注正義曰季孫因叔孫之弱欲四  
冀反牛云夫子固欲去之  
是誣叔孫以媚季孫

春秋左傳注疏卷四十二

春秋左氏傳注疏卷四十二考證

叔弓如晉注叔弓叔老子○

臣召南

按各本俱有此注

但杜注例前文已見者後不重出叔弓於襄三十年如宋葬共姬注已曰叔老子矣是以上年帥師疆郛田不重注也此注五字疑是後人校刻時添益耳

公如晉至河乃復○孫復曰公如晉至河乃復者五惟二十三年書有疾而反餘皆譏公數如晉見拒不能以禮自重大取困辱也

傳季武子賦繇之卒章○

臣浩

按杜注取文王有四臣

即詩所謂疏附先後奔秦禦侮耳陸氏音義解以大  
顛闕天散宜生南宮适蓋漢儒有此說實則疏附先  
後奔秦禦侮之臣豈必各居其一

傳有嘉樹焉宣子譽之疏服虔云譽游也宣子遊其樹  
下夏諺曰一游一譽為諸侯度○臣浩按孟子作一  
遊一豫當是服虔所見孟子本不同耳

傳執諸中都注在西河界休縣東南○

臣召南

按漢時



中都縣屬太原郡後書郡國志引此傳及注曰界休縣南中都城是也

傳火中寒暑乃退疏旦氏中氏後即次房心○監本作旦氏後即次房心脫中氏二字以文義推之當是訛脫今添

傳樂邵胥原狐續慶伯降在皂隸注八姓晉舊臣之族也○臣召南按樂邵等皆氏族非姓也杜注謂八姓稍未檢原氏即先氏也續與狐同宗而各為氏

楚子蔡侯陳侯鄭伯許男徐子滕子頓子胡子沈子小邾子宋世子佐淮夷會于申○程子曰晉平公不在諸侯楚於是為伯者之事林堯叟曰以楚莊之賢辰陵之盟從之者陳鄭焉耳申之會合十二國楚之得志于中國未有盛於此時者也

傳四嶽疏是解衡霍二名之山也○臣召南按三代以上衡山亦稱霍山是一山二名如泰之名岱耳漢武以後即祀南岳於潛霍後人遂稱潛霍為南岳焉是

二山而一名矣江北湘南相去千有餘里謂潛霍即三代時之衡霍可乎

傳三塗疏大行輾轉峻澠也○峻澠似應作峻甌

傳陽城注在陽城縣東北大室注在河南陽城縣西北

○臣召南按杜注之例郡縣名不重見此陽城縣河南郡所統也於陽城下應曰在河南陽城縣東北於大室下應曰在陽城縣西北各本相沿誤也

傳中南○臣召南按書禹貢詩秦風史記漢書皆作終

南

傳古者日在北陸而藏冰疏月令季冬冰盛水腹命取  
冰○臣浩按月令原文季冬冰方盛水澤腹堅今各  
本俱脫去方字澤字堅字明是訛漏但疏引鄭注腹  
厚也又似截取字句不依原文者

傳康有鄴宮之朝○臣召南按楚世家作豐宮注引服  
虔曰豐宮成王廟所在也

傳使三官書之○臣召南按周制天子六卿諸侯大國

三卿當王朝之半漢世承之遂以司徒司馬司空為三公官矣

傳孟孫為司空以書勲○趙汭補注曰傳見魯三卿官猶舊制如晉宋皆改易周官矣

春秋左氏傳注疏卷四十二考證

謹按第一頁後四行疏傳說此事文正在冬上刊

本監本毛本冬訛秋據宋本及傳文改

第二十八頁後一行疏洧水所出也諸本洧訛洧

據宋本改

第三十二頁前八行疏言不獨共公諸本共訛是

據宋本改

第三十七頁前六行疏以諫失政諸本以訛此據

宋本改

第四十八頁前八行疏而如同是語辭諸本同訛

何據宋本改



寶鑑

覆校官編修臣李光雲

校對官編修臣張秉愚

謄錄監生臣朱烺

欽定四庫全書薈要

經部

左傳注疏卷四十三

四



春秋左傳注疏卷四十三

起昭公五年盡六年

晉杜氏注

唐陸德明音義

孔穎達疏

經五年春王正月舍中軍注襄十一年始立中軍音義

舍音捨  
傳同

楚殺其大夫屈申注書名罪之

公如晉

夏莒牟夷以牟婁及防茲來奔注城陽平昌縣西南有

防亭姑幕縣東北有茲亭音義

年七侯反  
幕七博反

秋七月公至自晉

戊辰叔弓帥師敗莒師于蚡泉注蚡泉魯地音義

蚡扶  
反

秦伯卒注無傳不書名未同盟

冬楚子蔡侯陳侯許男頓子沈子徐人越人伐吳

傳五年春王正月舍中軍卑公室也注罷中軍季孫

稱左師孟氏稱右師叔孫氏則自以叔孫為軍名疏

正義曰襄十一年初作三軍十二分其國民三家得  
七公得五國民不盡屬公公室已是卑矣今舍中軍

四分公室三家自取其稅滅已稅以貢於公國民不復屬於公公室彌益卑矣是舍中軍者三家所以卑弱公室也作中軍卑公室之漸舍中軍卑公室之極初作云作三軍今不云舍三軍者初云作者舊有二軍今更增一軍人數不足故總皆渾破各毀其乘足成三軍故云作三軍此則唯舍中軍之衆屬上下二軍其上下二軍依舊不動故唯云舍中軍也劉炫云四分公室制法別耳還復二軍不得言舍三軍注正義曰魯之軍名傳無其號晉作三軍為上中下則魯之三軍亦當然也其廢中軍之後上下二軍分為四分哀十一年齊師伐魯傳稱孟孺子洩帥右師冉求帥左師冉求季氏宰也又言叔孫武叔退而蒐乘更無別稱知自以毀中軍于施氏成諸臧氏注季孫不叔孫為軍名也

欲親其議勅二家會諸大夫發毀置之計又取其令

名音義

臧子疏

注正義曰取其令名者季孫實欲自厚令諸大夫議論似若己之不與取

其令善廉潔之名也劉炫以為施者舍也臧者善也成諸臧氏取其令名也其二家謂叔孟非謂施臧二

氏初作中軍三分公室而各有其一注三家各有一

軍家屬季氏盡征之注無所入於公叔孫氏臣其子

弟注以父兄歸公孟氏取其半焉注復以子弟之半

歸公音義

復扶

疏

正義曰

將述其舍倒本其初初作中軍謂襄十一年也三分公室而

各有其一民皆分屬三家就中減以與公令公自稅取也季氏盡征之不減入於公令盡屬於已也叔孫氏臣其子弟明其更有父兄以一家之內有此四品叔孫氏則以父兄之稅入公子弟之稅入已總率所

屬之人悉皆如此若總計父兄之數不足以子弟添父兄若子弟不足以父兄添子弟大率半屬於已以父兄歸公者尊公室也孟氏則於子弟之中而取其半於一家之內或取其子或取其弟大率而言三分歸公一分入已也或以為其軍分為四分假以父兄子弟四分託之若以假託為言何得云若子弟直云叔孫氏兩分歸公兩分入已孟氏三分歸公一分入已於文簡略其事易知何須以父兄子弟虛為假託故知不然也魯之三卿季彊孟弱縱使如此差之季氏猶應以一分歸公言盡征之者季氏專恣也

及其舍之也四分公室季氏擇二注簡擇取二分音

義

二分扶運反或如字

疏

正義曰季氏因叔孫家禍退之使同於孟孫獨取其半為專已甚又擇取

善者是專之極故傳言擇二以見之

二子各一皆盡征之而貢于公注

國人盡屬三家三家隨時獻公而已以書使杜洩告

於殯曰注告叔孫之柩音義

殯必刃反柩其又反

子固欲毀中

軍既毀之矣故告杜洩曰夫子唯不欲毀也故盟諸

僖閔詛諸五父之衢注皆在襄十一年音義

閔音宏詛側慮

反衢其俱反

受其書而投之注投擲也音義

擲直亦反

帥士而

哭之注痛叔孫之見誣叔仲子謂季孫曰帶受命於

子叔孫曰葬鮮者自西門注不以壽終為鮮西門非

魯朝正門音義

鮮音仙徐息淺反

疏

注正義曰叔孫餓死而帶言葬鮮知不得以壽



終者名之為鮮言年命鮮少也叔仲帶得以此言告季孫則季孫知豎牛餓殺叔孫矣而不討者季孫利其禍而已得專故舍之而不討也

杜洩云卿喪自朝知西門非正門

季孫命杜洩注命

使從西門杜洩曰卿喪自朝魯禮也注從生存朝覲

之正路疏

注正義曰服虔云言卿葬三辭於朝從朝出正門卿佐國之禎幹君之股肱必過於

朝重之也案檀弓云君為大夫將葬弔於宮及出命引之三步則止如是三君退是君當就家視之無造君朝之禮且杜洩不欲從西門所競道路耳假令自朝而去猶得更從西門不須言自朝也故杜以自朝為從生存朝覲之正路蓋以西門幽辟故欲從正路而出南門吾子為國政未改禮而又遷之注遷易也羣臣懼死不敢自也注自從也

既葬而行注善杜洩能辟禍仲至自齊注聞喪而來  
季孫欲立之南遺曰叔孫氏厚則季氏薄彼實家亂  
子勿與知不亦可乎南遺使國人助豎牛以攻諸大  
庫之庭注攻仲士也魯城內有大庭氏之虛於其上

作庫音義

與音預虛起居反

疏

正義曰十八年傳梓慎登大庭氏之庫是魯城內有大庭

氏之虛於其上作庫謂之大庭氏之庫此言大庫明是彼也此言之庭庭是堂前地名仲任在此庫之庭前豎牛就攻之此庭非大庭也

司宮射之中目而死豎牛取東鄙三

十邑以與南遺注取叔孫氏邑音義

射食亦反中丁仲反

昭子

即位朝其家衆曰豎牛禍叔孫氏使亂大從注使從

於亂音義

使亂大從如字服云疏

正義曰杜云使從於亂服虔云使亂

大和順之道

殺適立庶又披其邑將以赦罪注披析也謂

以邑與南遺昭子不知豎牛餓殺其父故但言其見

罪音義

適丁歷反本又作嫡披普皮反析星歷反見賢遍反

疏注正義曰昭子若知豎牛餓殺

其父則當顯加誅戮不應直以殺適立庶為大罪也若昭子知餽不殺則昭子有大罪矣仲尼不宜善其不以立已為功勞也是昭子不知豎牛餓殺其父但言見罪仲尼又據其見言而善之

罪莫大

焉必速殺之豎牛懼奔齊孟仲之子殺諸塞關之外

注齊魯界上關音義

塞代反

投其首於寧風之棘上注

寧風齊地仲尼曰叔孫昭子之不勞不可能也注不

以立已為功勞據其所言善之時魯人不以餓死語

昭子音義

語魚據反

周任有言曰為政者不賞私勞不罰

私怨詩云有覺德行四國順之注詩大雅覺直也言

德行直則四方順從之音義

任音壬行下孟反注同

初穆子之

生也莊叔以周易筮之注莊叔穆子父得臣也遇明

夷

䷵注離下坤上明夷音義

坤若門反

之謙

䷎

注艮

下坤上謙明夷初九變為謙音義

艮古疏正義曰離恨反下坤上為

明夷離為日坤為地象曰明入地中明夷夷者傷也日在地中光不外發則為明傷也艮下坤上為謙艮

為山象曰地中有山謙以高下下謙虛之義

以示卜楚丘注楚丘卜人姓

名曰是將行注行出奔而歸為子祀注奉祭祀以讒

人入其名曰牛卒以餒死明夷日也注離為日夷傷

也日明傷音義

餒奴罪反餓也

日之數十注甲至癸故有十

時亦當十位自王已下其二為公其三為卿注日中

當王食時當公平旦為卿雞鳴為士夜半為卑人定

為輿黃昏為隸日入為僚晡時為僕日昃為臺隅中

日出闕不在第尊王公曠其位音義

阜才早反輿音餘僚力彫反晡

布吳反昃由結反隅遇俱反

疏

正義曰此先畧言卦意有此四事也是者是此子也將出奔而歸為

國卿奉子叔孫之祭祀也并以諂人入而其名曰牛然此子終以餓死也牛在國生云以入者去時未有來而有之以諂人入其家非從外國入既已畧論此意乃復具釋爻辭云明夷于飛垂其翼君子于行三日不食有攸往主人有言此三辭之間無為祀之意但卦名明夷故先推卦名求為祀之義也先行後歸始得為祀然後推演爻辭得其行去之象又論不食諂言之事爻辭之內亦無名牛故別於離卦以求牛名推演爻之三辭既訖乃復更推卦體以終為祀之言故曰其為後以總結前言也注正義曰七年傳曰

天有十日人有十等依即歷言從王至臺十等之日此傳既云十時十位位以王公卿為三日以中食旦為三日上其中知從中而右旋配之也晡謂食也晡時謂日西食時也日昃謂蹉跌而下也隅謂東南隅也過隅未中故為隅中也若據時之先後則從旦至食乃至於中宜以左旋為次今傳以配十位從中而右旋者以人之道高以下為基貴以賤為本欲從賤而漸至於貴也若從中左旋則位乃漸退非進長之義故右旋也

日上其中注日中盛明故以當王食日為二

注公位旦日為三注卿位明夷之謙明而未融其當

旦乎注融朗也離在坤下日在地中之象又變為謙

謙道卑退故曰明而未融日明未融故曰其當旦乎

疏

注正義曰明而未融則融是大明故為朗也釋言云明朗也樊光云詩云高朗令終日月光明是朗

為大明也據卦離下坤上日在地中之象又交變為謙謙是卑退之意日未出而又卑故曰明而未融日明未融故曰其當旦也若於易之明夷據日入之後故明夷象云初登于天照四國也後入於地失則也此傳明夷據日未出前者以日未出與日已入皆日在地下其明不見故各取象為義

故曰為

子祀注莊叔卿也卜豹為卿故知為子祀日之謙當

鳥故曰明夷于飛注離為日為鳥離變為謙日光不

足故當鳥鳥飛行故曰于飛疏

注正義曰說卦離為日為雉雉為鳥也離

之一卦為日為鳥日為高明鳥為微細今日之謙退不得高明下當微細是日光不足故當鳥也

明



而未融故曰垂其翼注於日為未融於鳥為垂翼象

日之動故曰君子于行注明夷初九得位有應君子

象也在明傷之世居謙下之位故將辟難而行音義

應應對之應謙下如字疏注正義曰卦有六位初三

又遐嫁反難乃旦反

疏

注正義曰卦有六位初三

耦數為陰位也初與四二與五三與上位相值為相

應陽之所求者陰陰之所求者陽陽陰相值為有應

陰還值陰陽還值陽為無應明夷初九陽爻在奇是

得位也所應在四四為陰爻是有應也居得位而物

應之是君子象也初九在明傷之世有大難也

居謙下之位宜卑退也以此知將辟難而行也當三

在旦故曰三日不食注旦位在三又非食時故曰三

日不食疏

注正義曰位當三而時在旦是三日象也旦又未至食時非食時則無可食故曰三

日不離火也艮山也離為火火焚山山敗注離艮合

體故音義

敗必邁反又如字注同

於人為言注艮為言疏

注正義曰

說卦云成言乎艮故艮為言也

敗言為讒注為離所焚故言敗故曰

有攸往主人有言言必讒也注離變為艮故言有所

往往而見燒故主人有言言而見敗故必讒言音義

攸音純離為牛注易離上離下離畜牝牛吉故言純

離為牛音義

牝頻忍反疏注正義曰純離者言上體舊扶死反下體皆是離也易離卦云

畜牝牛吉故言純離為牛明夷初九無此牛象但世明夷初卦下體是離故傳於純離之卦求牛象也

亂讒勝勝將適離故曰其名曰牛注離焚山則離勝

譬世亂則讒勝山焚則離獨存故知名牛也豎牛非

牝牛故不吉謙不足飛不翔注謙道冲退故飛不遠

翔垂不峻翼不廣注峻高也翼垂下故不能廣遠故

曰其為子後乎注不遠翔故知不遠去疏正義曰其

正義曰其  
爻辭唯云

君子于行無遠之義故復推此爻於鳥為飛不翔翼不大知其不能遠去行必當歸故曰其為子後乎

吾子亞卿也抑少不終注旦日正卿之位莊叔父子

世為亞卿位不足以終盡卦體蓋引而致之○楚子

以屈申為貳於吳乃殺之注造生貳心以屈生為莫

敖注生屈建子使與令尹子蕩如晉逆女過鄭鄭伯

勞子蕩于汜勞屈生于菟氏注汜菟氏皆鄭地音義

過古禾反勞力報反後皆同汜徐扶嚴反菟大胡反晉侯送女于邲丘子產相

鄭伯會晉侯于邲丘注傳言楚強諸侯畏敬其使音

義相息亮反疏注正義曰聘禮云若過邲至于竟使

使所吏反次介假道束帛將命于朝下大夫取以入告出許餼之以其禮上賓大牢積惟芻禾如彼禮文唯當餼之而已今鄭伯親勞是鄭畏楚也桓三

年傳例云凡公女嫁于敵國公子則下卿送之於天子則諸卿皆行尚公不自送昏禮父母送女不下堂今晉侯親送女至邾丘是敬楚也○公如晉注即位此兼顧上文故云諸侯畏敬其使

而往見音義

見賢反

自郊勞至於贈賄注往有郊勞去

有贈賄音義

賄呼罪反

疏

注正義曰聘禮賓至于近郊君使卿朝服用束帛勞及聘事皆

畢乃去賓遂行舍于郊公使卿贈如覲幣聘既如此朝亦當然其朝據大行人上公三勞主國使下大夫勞于畿卿勞于遠郊主君自勞于近郊其去贈賄無文聘尚有賄明朝亦然但禮文不具耳其文據公去言故云往有也贈據無失禮注揖讓之禮晉侯謂女晉言故云去有也

叔齊曰魯侯不亦善於禮乎對曰魯侯焉知禮公曰

何為自郊勞至于贈賄禮無違者何故不知對曰是

儀也不可謂禮禮所以守其國行其政令無失其民

者也今政令在家注在大夫音義

女音汝焉於虔反

不能取

也有子家羈弗能用也注羈莊公玄孫懿伯也音義

羈居宜反

奸大國之盟陵虐小國注謂伐莒取鄆音義

奸音

干鄆音運

利人之難注謂往年莒亂而取鄆音義

難乃旦反下及

注竝同

不知其私注不自知有私難公室四分民食於

他注他謂三家也言魯君與民無異疏

正義曰言公如民然求食

於他也其時四分公室民皆屬三家  
三家稅以貢公公仰給食自無食也  
思莫在公不圖

其終注無為公謀終始者音義

思息吏反謂羣臣慮也一音如字為于偽

反疏

正義曰羣臣思慮無在公者不為公為國君難圖謀其終言其終必禍敗無為謀者

將及身不恤其所禮之本末將於此乎在注在恤民

與憂國而屑屑焉習儀以亟注言以習儀為急音義

屑屑先結反亟紀力反急也

言善於禮不亦遠乎君子謂叔侯於

是乎知禮注時晉侯亦失政叔齊以此諷諫音義

諷芳

鳳反本亦作風音同

○晉韓宣子如楚送女叔向為介鄭子皮

子大叔勞諸索氏注河南成皋縣東有大索城音義

介音界大音泰索悉洛反

大叔謂叔向曰楚王汰侈已甚子其戒

之叔向曰汰侈已甚身之災也焉能及人若奉吾幣

帛慎吾威儀守之以信行之以禮敬始而思終終無

不復注事皆可復行音義

馬於度反

從而不失儀注從順

也敬而不失威道之以訓辭奉之以舊法考之以先

王注以先王之禮成其好音義

道音導好呼報反

度之以二

國注度晉楚之勢而行之音義

度待洛反注同

疏

正義曰朝聘之禮享



用幣帛致國之所有送女雖則弗聘亦以幣帛通意  
故云奉吾幣帛慎吾威儀也信當守而無失故云守  
之以信也禮當勉力復行故云行之以禮也禮無不  
敬故以敬為始也始敬則終亦敬終恐其惰故云思  
終也思終亦思始終始無有不可復行之事行必得  
禮使皆可復行也曲從則失儀從而不失儀不曲從  
也過敬則無威敬而不失威不妄敬也聖人教訓之  
辭用之以通志故言道之也聘使舊故之法奉承以  
致命故言奉之也用先王之禮以成其交好故言考  
之也量二國形勢以傳通時事故言度之也皆準事  
文為雖汰侈若我何及楚楚子朝其大夫曰晉吾仇敵

也苟得志焉無恤其他今其來者上卿上大夫也若

吾以韓起為閹注則足使守門音義

仇音求閹音昏  
則音月又五刮

反疏

注正義曰周禮掌戮云墨者使守門劓者使守闕注正義曰周禮掌戮云墨者使守門劓者使守闕

門者當以墨也知不以韓起為墨者楚子意在辱晉必將加之重罪墨是刑之輕者知其必非墨也且欲以叔向為宮刑明起刑亦次宮也莊十九年傳稱鬻拳自刖楚人以為大閹知此亦是刖也欲以叔向為司宮為奄官之長則韓起為閹亦欲令為以羊舌肸門官之長刑若鬻拳故以鬻拳之刑解之

為司宮注加宮刑音義

肸許乙反

足以辱晉吾亦得志矣

可乎大夫莫對遂啟疆曰可苟有其備何故不可耻

匹夫不可以無備况耻國乎是以聖王務行禮不求

耻人朝聘有珪注珪以為信疏

正義曰周禮典瑞云公執桓圭侯執信圭

伯執躬圭子執穀璧男執蒲璧以朝覲宗遇會同于王諸侯相見亦如之是朝有珪也又曰琢圭璋璧琮以覲聘是聘有珪也聘用圭璧其飾雖與君同其長降君一等聘禮記曰所以朝天子圭與纁皆九寸問諸侯朱纁纁八寸問即聘也鄭玄云九寸上公之圭也於天子曰朝於諸侯曰問記之於聘文互相備鄭云互相備者言諸侯相朝與朝天子同也遣使聘天子與諸侯同也彼典瑞及聘禮記聘圭八寸據上公為文耳公之使既降公一等知侯伯之使當瑑圭六寸子男之使當瑑璧四寸考工記玉人云瑑圭璋八寸璧琮八寸以覲聘亦謂上公之聘也其實子男君臣用璧云朝聘有圭者據公侯伯言之注正義曰鄭玄典瑞注云人執以見曰瑞禮神曰器享頌有璋注瑞符信也用珪朝聘所以為信故執之

享饗也頌見也既朝聘而享見也臣為君使執璋音

義

規他弔反徐他彫反璋音章享饗竝許丈反鄭服

吏疏

正義曰鄭氏先儒以為朝聘之禮使執玉以授主國之君乃行享禮獻國之所有規見也謂行

享禮

以見主國之君也案小行人合六幣圭以馬璋

以皮

璧以帛琮以錦琥以繡璜以黼鄭玄云上公享

王圭

以馬享后璋以皮侯伯子男享王璧以帛享后

琮

以錦公侯伯於諸侯則享用璧琮子男於大國享

君琥

以繡於夫人璜以黼此云享規有璋者據上公

享后

言之所以特舉享后者舉璋與圭相對其實享

禮圭

與璧琮琥璜皆有今檢杜注意義則不然謂主

國設

酒食以饗賓賓則執璋以行禮故云享規有璋

注云

享饗也破享獻之享為饗食之饗杜必然者以

此傳

下云設机而不倚爵盈而不飲宴有好貨殮有

陪鼎

皆論饗禮及饗宴之事故破享為饗即大行人

三饗

三食三宴之類是也但饗禮既亡執璋無文耳

故杜云臣為君使執璋則詩云奉璋峨峨尚書大保東璋以酢之類是也小有述職注諸

侯適天子曰述職音義

述職述其所治國之功職也

疏

注正義曰孟子云天

子適諸侯曰巡狩巡狩者巡所守也諸侯朝天子曰述職述職者述所職也其意言諸侯職在治國家事天子以時入朝述脩其所職也天子職在立諸侯撫下民以時巡狩省視其功勞也大有巡功

注天子巡守曰巡功音義

巡功巡所守之功續巡守手又反

設机而

不倚爵盈而不飲注言務行禮音義

机音几倚於綺反

疏

正義

曰朝聘之禮有設机進爵之時朝禮雖亡而聘禮有其略也聘義曰聘射之禮至大禮也質明而始行事日幾中而後禮成非强有力者弗能行也酒清人渴而不敢飲也肉乾人飢而不敢食也是言務在行禮

不敢倚机不  
敢飲酒也

宴有好貨注宴飲以貨為好衣服車馬

在客所無音義

好呼報反注及下同

疏注正義曰謂主國宴賓

車馬在客所無者與之也明年晉享季武子重其好  
貨僖二十九年介葛盧來禮之加宴好詩序云鹿鳴  
燕羣臣嘉賓也既飲食之又實幣帛筐篚以將其厚意是也

殮有陪鼎注熟食為

殮陪加也加鼎所以厚殷勤音義

殮音孫陪薄回反徐扶杯反

疏

正義曰聘禮賓始入館宰夫朝服設殮飪一牢在西  
鼎九羞鼎三鄭玄云食不脩禮曰殮飪熟也其鼎實  
如饗餼羞鼎則陪鼎也以其實言之則曰羞以其陳  
言之則曰陪是殮有陪鼎鄭以殮禮小饗餼禮大故  
云食不備禮曰殮言饗餼備而殮不備也杜以餼生  
而殮熟故云熟食為殮聘禮又云君使卿韋弁歸饗

饌五牢飪一牢鼎九設于西階前陪鼎當內廉鄭玄云陪鼎三牲脰腳腍腕也陪之庶羞加也服虔云陪牛羊豕鼎故云陪鼎周禮掌客云凡諸侯之禮上公殮五牢饗饌九牢侯伯殮四牢饗饌七牢子男殮三牢饗饌五牢是朝聘皆有殮也案聘禮歸饗饌五牢於賓館飪一牢鼎九設于西階前牛鼎一羊鼎一豕鼎一魚鼎一腊鼎一腸胃鼎一膚鼎一鮮魚鼎一鮮腊鼎一凡九鼎從北向南而陳又有陪鼎三其一曰腳鼎牛脰也在牛鼎之西其一曰腍鼎羊脰也在羊鼎之西其一曰腕鼎豕脰也在豕鼎之西其陪所設當西階之內廉脰二牢設于東階之前南陳牢別七鼎無鮮魚鮮腊也并上飪一牢所謂死牢三又饌二牢陳于門內之西是卿之饗饌五牢案鄭注掌客其子男饗饌五牢與卿同其脰鼎加鮮魚鮮腊牢別有九也其陳設如卿之禮侯伯饗饌七牢死牢四飪七牢在西脰三牢在東饌三牢在門西其陳設如子男

之禮上公饗餼九牢死五牢飪一牢存西脰四牢在東餼四牢陳于門西其陳皆如侯伯之禮也大行人注云爵卿也則殮二牢饗餼五牢爵大夫也則殮大牢饗餼三牢

入有郊勞注賓至

逆勞之於郊出有贈賄注去則贈之以貨賄禮之至也國家之敗失之道也則禍亂興注失朝聘宴好之

道城濮之役注在僖二十八年音義

濮音卜

晉無楚備

以敗於邲注在宣十二年言兵禍始於城濮音義

邲皮

必邲之役楚無晉備以敗於鄢在成十六年音義

鄢於

晚正義曰以上文類之當注云言兵反疏禍始於邲而不注者從可知也

自鄢以來晉



不失備而加之以禮重之以睦注君臣和也音義直

用反是以楚弗能報而求親焉既獲姻親又欲耻之以

召寇讎備之若何注言何以為備音義姻音因誰其重

此注言怨重若有其人耻之可也注謂有賢人以敵

晉則可耻之若其未有君亦圖之晉之事君臣曰可

矣求諸侯而麋至注麋羣也音義麋丘隕反又其鄙反注同求昏

而薦女注薦進也君親送之上卿及上大夫致之猶

欲耻之君其亦有備矣不然奈何韓起之下趙成中

行吳魏舒范鞅知盈注五卿位在韓起之下皆三軍

之將佐也成趙武之子吳荀偃之子音義

行戶即反鞅於丈反

知音智將子匠反

羊舌肸之下祁午張趙籍談女齊梁丙張

骼輔蹠苗賁皇皆諸侯之選也注言非凡人音義

超他

歷反骼古百反或音各蹠力狄反又力各反本又作櫟同賁扶云反選息戀反

韓襄為公族

大夫韓須受命而使矣注襄韓無忌子也為公族大

夫須起之門子年雖幼已任出使音義

使所吏反注及下注同任

音疏

正義曰三年傳云韓須如齊逆少姜是受命出使之事

箕襄邢帶注二人

韓氏族叔禽叔椒子羽注皆韓起庶子疏

注正義曰賈逵云然

杜依用之杜以上箕襄邢帶食邑於箕邢故為韓氏之族叔禽叔椒皆連叔為文羽又稱子事似兄弟故云皆韓起庶子劉炫以為叔禽等亦是皆韓起之族既無明證而妄規杜氏非也

皆大家也韓

賦七邑皆成縣也注成縣賦百乘也音義

韓賦七邑韓襄起之

兄子箕襄邢帶二人韓氏族韓須叔禽叔椒子羽四人皆韓起子凡七人人一邑乘繩證反下皆同

羊

舌四族皆彊家也注四族銅鞮伯華叔向叔魚叔虎

兄弟四人音義

鞮丁兮反

疏

注正義曰家語孔子曰銅鞮伯華不死天下其定矣其人

名亦字伯華食邑於銅鞮叔魚名鮒見於十三年傳叔虎見於襄二十一年傳於時虎已死今得數叔虎

者雖身死其族猶在故傳不言羊舌四人而云四族明指其族也據傳文叔向兄弟四人叔虎素世本叔向兄弟有季夙疑季夙即是虎也故服氏數伯華叔向叔魚季夙劉炫以為叔虎於時已死別有季夙而規杜氏非也

晉人若喪韓起楊肸五卿八大夫注五卿趙

成以下八大夫祁午以下音義

喪息浪反楊肸叔向本羊舌氏食采於楊

故又號楊肸也

輔韓須楊石注石叔向子食我也音義

食音嗣

因其十家九縣注韓氏七羊舌氏四而言十家舉大

數也羊舌四家共二縣故但言彊家疏

注正義曰杜以家縣為一

故并韓賦七邑與羊舌四族乃為十一而言十家舉大數也羊舌四族族有一縣則又太多故以為四家

共二縣也劉炫以為韓須是起之門子不別更稱家  
去韓須之外韓氏唯有六家并羊舌四族故為十家  
也今知不然者以傳歷序韓襄為公族大夫韓須受  
命而使即云箕襄以下皆大家故知韓須在其內也  
又韓賦七邑則韓須有邑既有其邑自然稱家哀二  
年傳曰上大夫受縣論語云百乘之家家即縣也劉  
氏以為韓須不得為家家不得稱縣以為韓  
氏六家羊舌四家為十家而規杜氏非也

注長轂戎車也縣百乘音義

穀古木反

疏

正義曰考工記車人云兵車乘

車輪崇六尺六寸田車輪崇六尺三寸兵車轂長三尺三寸又云大車半柯長尺半是短也

其餘

四十縣遺守四千注計遺守國者尚有四千乘音義

遺唯季反

奮其武怒以報其大耻伯華謀之注伯華叔向

兄中行伯魏舒帥之注伯中行吳其蔑不濟矣君將以親易怨注失婚姻之親實無禮以速寇而未有其

備使羣臣往遺之禽以逞君心何不可之有疏

正義曰啓

疆發首言可此云何不可之有言其可也紹上之言服虔云何不可之有言不可也如是大不識文勢

王曰不穀之過也大夫無辱注謝遠啟疆厚為韓子

禮王欲教叔向以其所不知而不能注言叔向之多

知音義

教五報反叔向以其所不知疏正義曰王欲調知絕句多知如字一音智叔向以為教樂

以其所不知不解之處試之而竟不能王之所為叔向悉解故杜云叔向之多知

亦厚其禮

韓起反鄭伯勞諸圉注圉鄭地名辭不敢見禮也注

奉使君命未反故音義

見賢通反

○鄭罕虎如齊娶於子

尾氏注自為逆也音義

娶七佳反為于偽反

晏子驟見之陳桓

子問其故對曰能用善人民之主也注謂授子產政

音義

驟仕救反

○夏莒牟夷以牟婁及防茲來奔牟夷非

卿而書尊地也注尊重也重地故書以名其人終為

不義莒人懇于晉注懇魯受牟夷音義

懇悉路反

晉侯欲

止公范獻子曰不可人朝而執之誘也討不以師而

誘以成之情也為盟主而犯此二者無乃不可乎請

歸之間而以師討焉注間暇也音義

誘音酉情徒卧反間音閑注同

又如乃歸公秋七月公至自晉莒人來討注討受牟字

夷不設備戊辰叔弓敗諸蚡泉莒未陳也注嫌君臣

異故重發例音義

陳直觀反重直用反

○冬十月楚子以諸侯

及東夷伐吳以報棘櫟麻之役注役在四年蓬射以

繁揚之師會于夏汭注會楚子音義

射食夜反又食亦反

越大

夫常壽過帥師會楚子于瑣注瑣楚地音義

過古禾反瑣素



果聞吳師出遂啟疆帥師從之注從吳師也遽不設

備吳人敗諸鵲岸注廬江舒縣有鵲尾渚音義

遽其據反

岸五旦反

楚子以駟至於羅汭注駟傳也羅水名音義

駟人

實反傳中戀反

吳子使其弟蹶由犒師注犒勞音義

蹶居銜反犒苦

報反楚人執之將以繫鼓王使問焉曰女卜來吉乎對

曰吉寡君聞君將治兵於敝邑卜之以守龜曰余亟

使人犒師請行以觀王怒之疾徐而為之備尚克知

之注言吳令龜如此音義

繫許觀反女音汝守手

龜

兆告吉曰克可知也君若驩焉好逆使臣滋敝邑休

怠注休解也音義

好呼報反使所吏反下竝同解佳賣反

而忘其死亡

無日矣今君奮焉震電馮怒注馮盛也音義

馮皮水反徐敷

求反注同疏

正義曰言今君奮起威嚴如天震電盛為瞋怒虐執云云是也

虐執使臣將

以釁鼓則吳知所備矣敝邑雖羸若早修完注完器

備音義

羸力危反完音凡

其可以息師注息楚之師難易有

備可謂吉矣且吳社稷是卜豈為一人使臣獲釁軍

鼓而敝邑知備以禦不虞其為吉孰大焉國之守龜

其何事不卜注言常卜音義

易以豉反豈為于偽反禦魚呂反

疏

正義

曰難易有備言知楚為患難則吳易有防備也且吳社稷是卜豈為一人恐楚王言女既云吉何故今欲被殺故言此以塞之國之守龜其何事不卜又恐王言龜既言吉而使人乃被殺則是龜之不信故又言此以一臧一否其誰能常之城濮之兆其報在邲注答之

城濮戰楚卜吉其效乃在邲音義

否悲矣反舊方有反

今此行

也其庸有報志注言吳有報楚意乃弗殺楚師濟於

羅汭沈尹赤會楚子次於萊山遂射帥繁揚之師先

入南懷楚師從之及汝清注南懷汝清皆楚界音義

來萊音吳不可入注有備楚子遂觀兵於坻箕之山注

觀示也音義

觀舊音官讀爾雅者皆官喚反注同坻直夷反

是行也吳早設

備楚無功而還以蹶由歸楚子懼吳使沈尹射待命

于巢遂啟疆待命于雩婁禮也注善有備音義

雩音于徐

況于反如淳同韋昭音虛婁力侯反徐力俱反如淳音樓

○秦后子復歸於秦注

元年奔晉景公卒故也注終五稔之言音義

五稔而甚反

經六年春王正月杞伯益姑卒注再同盟疏

注正義曰益姑以襄

二十四年即位二十五年盟于重丘魯杞俱在二十九年又杞子來盟是再同盟

葬秦景公

夏季孫宿如晉

葬杞文公注無傳

宋華合比出奔衛注合比事君不以道自取奔亡書名

罪之音義

華戶化反比字又毗志反

疏

正義曰寺人柳有寵太子佐惡之合比請殺之求媚

於太子而欲殺君之寵臣是事君不以道也以此而自取奔亡故書名以罪之

秋九月大雩

楚薳罷帥師伐吳音義

罷音皮

冬叔弓如楚

齊侯伐北燕

傳六年春王正月杞文公卒弔如同盟禮也注魯怨

杞因晉取其田而今不廢喪紀故禮之○大夫如秦

葬景公禮也注合先王士弔大夫送葬之禮疏

注正義曰

先王之制諸侯之喪士弔大夫送葬三十年傳文也  
釋例曰先王之制諸侯之喪士弔大夫送葬及其失  
也禮過於重文襄之伯因而抑之諸侯之喪大夫弔  
卿共葬事夫人之喪士弔大夫送葬猶過古制故公  
子遂如晉葬襄公傳不言禮葬秦景公傳曰大夫如  
秦葬景公特稱禮也一以示古制二以示書他國之

葬必須魯會三以示奉使非鄉  
不書於經此皆丘明之微文也○三月鄭人鑄刑書

注鑄刑書於鼎以為國之常法音義

鑄之疏注正義  
樹反疏曰傳直

言鑄刑書知鑄之於鼎者二十九年傳云晉趙鞅荀  
寅賦晉國一鼓鐵以鑄刑鼎著范宣子所為刑書焉

彼是鑄之於鼎知此亦是鼎也叔向使詒子產書注詒遺也音義詒以

之反遺唯季反曰始吾有虞於子注虞度也言準度子產以

為已法音義

度待洛  
反下同

今則已矣注已止也昔先王議

事以制不為刑辟懼民之有爭心也注臨事制刑不

豫設法也法豫設則民知爭端音義

辟婢亦反下皆  
同爭爭鬭之爭

注及下疏

注正義曰尚書伊訓云先王肇脩人紀制官刑儆于有位又穆王命呂侯訓夏贖刑

作呂刑之篇其經云墨罰之屬千劓罰之屬千剕罰之屬五百宮罰之屬三百大辟之屬二百五刑之屬三千周禮司刑掌五刑之法以麗萬民之罪墨罪五百劓罪五百宮罪五百剕罪五百殺罪五百據此文雖王者相變條數不同皆是豫制刑矣而云臨事制刑不豫設法者聖王雖制刑法舉其大綱但共犯一法情有淺深或輕而難原或重而可恕聽其時事議其重輕雖依準舊條而斷有出入不豫設定法告示下民令不測其淺深常畏威而懼罪也法之所以不可豫定者於小罪之間或情有大惡盡皆致之極刑則本非應重之罪悉令從其輕比又不足以創小人也於大罪之間或情有可恕盡加大辟則枉害良善輕致其罰則脫漏重辜以此之故不得不臨時議之準狀加罪今鄭鑄之於鼎以章示下民亦既示民



即為定法民有所犯依法而斷設令情有可恕不敢  
曲法以矜之罪實難原不得違制以入之法既豫定  
民皆先知於是倚公法以展私情附輕刑而犯大惡  
是無所忌而起爭端也漢魏以來班律於民懼其如  
此制為比例入罪者舉輕以明重出罪者舉重以明  
輕因小事而別有大罪者則云所為重以重論皆不  
可一定猶不可禁禦是故閑之以義注閑防也糾之  
故也

以政注糾舉也行之以禮守之以信奉之以仁注奉  
養也制為祿位以勸其從注勸從教嚴斷刑罰以威

其淫注淫放也疏

正義曰義者宜也合於事宜閑謂防衛也閑之以義防衛之使合於

事宜者也政者正也齊正在下糾謂舉治也糾之以  
政舉治之使從於齊正也禮當勉力履行故行之以

禮也信當守而勿失故守之以信也仁心所以養物  
 故奉之以仁也位以序德祿以酬勤有德能勤則居  
 官食祿制為祿位以勸其從順教令也其有犯罪則  
 制之刑罰故嚴斷刑罰以威其驕淫放佚也嚴斷言  
 其不放舍也對文則加罪為刑收贖為罰散則刑  
 罰通也閑之以下皆言在上位者行此事治民也懼

其未也故誨之以忠聳之以行注聳懼也音義

聳息勇反

行下孟反

教之以務注時所急使之以和注說以使民音

義說

悅音

臨之以敬涖之以彊注施之於事為涖音義

涖音利又音類

斷之以剛注義斷恩疏

正義曰此上言行事此又言用心言雖行

上事懼其未從教也故復勞心以撫之於文中心為  
 忠如心為恕謂如其已心也事親事君遠及諸物宜

恕以待之不得虛詐忠是萬事之本故陳忠恕之事  
以訓誨之行善得善行惡得惡舉善惡之行以恐懼  
之時之所急民或不知故教示之以當時之務居上  
位者失於以威迫人故使之以和當和說以使之臨  
蒞一也臨謂位居其上俯臨其下蒞謂有所施為臨  
撫其事臨謂平常之時蒞謂當時之時居上位者失  
於驕慢臨之以敬言當共敬以臨之其濫於行事者  
失於懈倦蒞之以彊言當彊力以臨之柔而少決為  
政之病故斷之以剛彊此示斷之以剛即上嚴斷之  
義嚴謂威可畏剛謂情無私此皆論心故重言之注  
正義曰聳懼也釋詁文也彼作竦音義同蒞亦臨也  
而與臨別文故解之周禮肆師稱蒞卜曲禮云蒞官  
春秋書蒞盟皆謂當其事而臨之故云施之於事為  
蒞則臨謂平常蒞謂當事以此為異故別文也若散  
而言之蒞亦臨也故論語云不莊以蒞之則民不敬  
是也喪服四制云門內之治恩揜義門外之治義斷

恩尚書胤征云威克厥愛允濟愛克厥威允罔功是斷獄者皆當義斷恩猶求聖哲之上

明察之官注上公侯也官卿大夫也忠信之長慈惠

之師民於是乎可任使也而不生禍亂民知有辟則

不忌於上注權移於法故民不畏上音義長丁疏正義

曰以剛以上雖率意教人猶為未善更求聖哲王公之上制明察大夫之官法忠誠信著之長則慈愛溫惠之師教用此四法以教民民於是乎可任使也注正義曰刑不可知威不可測則民畏上也今制法以定之勅鼎以示之民知在上不敢越法以罪己又竝不能曲法以施恩則權柄移於法故民皆不畏上竝有爭心以徵於書而徵幸以成之注因危文以生爭

緣微倖以成其巧偽音義

微本作邀古疏注正義曰

有限民之犯罪無窮為法立文不能網羅諸罪民之所犯不必正與法同自然有危疑之理因此危文以生與上爭罪之心緣微幸以成其巧偽將有實罪而獲免者也弗可為矣注為治也

夏有亂政而作禹刑商有亂政而作湯刑注夏商之

亂著禹湯之法言不能議事以制音義

夏戶疏注正義曰

夏商之有亂政在位多非賢哲察獄或失其實斷罪不得其中至有以私亂公以貨枉法其事不可復治乃遠取創業聖王當時所斷之獄因其故事制為定法亦如鄭鼎所鑄遵舊施行言不能臨時議事以制刑罪也  
周有亂政而作九刑注周之衰亦為刑書謂之

九刑疏

注正義曰準夏商所作當為文武周公之制不以聖王名刑而謂之九刑者蓋周公別為

此名故

三辟之興皆叔世也注言刑書不起於始盛

稱之耳

之世疏注正義曰三辟謂禹刑湯刑九刑也辟罪也三者斷罪之書故為刑書皆是叔世所為言

刑書不起於始盛之世議事制罪叔世不復能然采取上世決事之比作書以為後法其事是始盛之世作書於衰亂之時服虔云政衰為叔世叔世踰於季世季世不能作辟也今吾子相鄭國

作封洫注在襄三十年音義

相息亮反洫况域反

立謗政注作

丘賦在四年音義

謗布浪反

制參辟鑄刑書注制參辟謂

用三代之末法音義

參七南反一音三

疏

注正義曰制參辟鑄刑書是一事也

為其文是制參辟勤於鼎是鑄刑書也三代之辟皆取前世故事制以為法子產亦取上世故事故謂之制參辟言其所用三代之末法非謂子產所作還寫三代之書也子產蓋亦采取上世所聞見斷獄善者以為將以靖民不亦難乎詩曰儀式刑文王之德日書也將以靖民不亦難乎詩曰儀式刑文王之德日

靖四方注詩頌言文王以德為儀式故能日有安靖

四方之功刑法也疏

正義曰周頌我將之篇祀文王之樂歌也杜言文王以德為儀

式刑法也則儀式刑三者皆為法也言以德為儀式法者是文王之德也由其以德為法故能日有安靖四方之功也服虔云儀式用刑法靖謀也言善用法文王之德日日謀安四方此解於文便於杜也

又曰儀刑文王萬邦作孚注詩大雅言文王作儀法

為天下所信孚信也疏

正義曰大雅文王之篇也服虔云儀善也刑法也善用法

者文王也言文王善用其法故能為萬國所信也亦便於杜

如是何辟之有注言

詩唯以德與信不以刑也民知爭端矣將棄禮而徵

於書注以刑書為徵疏

正義曰端謂本也今鑄鼎示民則民知爭罪之本在於刑

書矣制禮以為民則作書以防民罪違禮之愆非刑書所禁故民將棄禮而取徵驗於書也刑書無違禮之罪民必棄錐刀之末將盡爭之注錐刀末喻小事

禮而不用矣

亂獄滋豐賄賂竝行終子之世鄭其敗乎疏

正義曰子產鑄

刑書而叔向責之趙鞅鑄刑鼎而仲尼譏之如此傳文則刑之輕重不可使民知也而李悝作法蕭何造



律頒於天下懸示兆民秦漢以來莫之能革以今觀之不可一日而無律也為當吏不及古民偽於昔為是聖人作法不能經遠古今之政何以異乎斯有旨矣古者分地建國作邑命家諸侯則奕世相承大夫亦子孫不絕皆知國為我土衆實我民自有愛吝之心不生殘賊之意故得設法以待刑臨事而議罪不濫豫以告民自令常懷怖懼故仲尼叔向所以譏其鑄刑書也秦漢以來天下為一長吏以時遷代其民非復己有懦弱則為殿負彊猛則為稱職且疆域闊遠戶口滋多大郡竟餘千里上縣數以萬計豪橫者陵蹈邦邑桀健者雄張閭里故漢世酷吏專任刑誅或乃肆情好殺成其不撓之威違衆用己以表難測之知至有積骸滿筵流血丹野郅都被蒼鷹之號延年受屠伯之名若復信其殺伐任其縱舍必將喜恕變常愛憎改意不得不作法以齊之宣衆以令之所犯當條則斷之以律疑不能決則讞之上府故得萬

民以察天下以治聖人制法非不善也古不可施於  
今今人所作非能聖也足以周於所用觀民設教遭  
時制宜謂  
此道也 胙聞之國將亡必多制注數改法其此之

謂乎復書曰若吾子之言注復報也疏

正義曰若如也誠如吾子

之言也

僞不才不能及子孫吾以救世也既不承命敢

忘大惠注以箴戒為惠疏

正義曰當時鄭國大夫邑長蓋有斷獄不平輕重失

中故作此書以令

之所以救當世 士文伯曰火見鄭其火乎注火心

星也周五月昏見火未出而作火以鑄刑器注刑器  
鼎也藏爭辟焉火如象之不火何為注象類也同氣

相求火未出而用火相感而致災疏

注正義曰作刑書以示民教民

使爭罪故謂之爭辟火出而象之象類也謂以類相感而致災也同氣相求易文言文也周禮司燧云季春出火民咸從之季秋內火民亦如之鄭玄云火所以用陶冶民隨國而為之是火星未出不得用火今鄭火未出而用火以鑄鼎及大星出則相感以致災服虔云鑄鼎藏爭辟故今出火與五行之火爭明故為災在器故稱藏也○夏季孫宿如晉拜莒田也注謝前年受

牟夷邑不見討晉侯享之有加籩注蓮豆之數多於常禮武子退使行人告曰小國之事大國也苟免於討不敢求貺注貺賜也得貺不過三獻注周禮大夫

三獻疏

注正義曰周禮卿五獻大夫三獻故鄭注掌客爵卿也饗餼五牢爵大夫也饗餼三牢獻

視饗餼之數故言大夫三獻也若依古禮大小國之卿皆五獻大夫三獻故聘禮侯伯之卿出聘饗餼五牢獻同饗餼之數至春秋之時唯大國得從古禮故昭元年鄭人享趙孟注云朝聘之制大國之卿五獻其次國以下卿則從大夫之禮故今武子云得既不過三獻周禮無此文大行人云上公九獻侯伯七獻子男五獻各如其命數典命云公侯伯之卿皆三命知其當三獻也大夫卿之總名故注云三獻也

豆有加下臣弗堪無乃戾也注懼以不堪為罪疏正義

曰上言加蓬此言豆者蓬豆竝加互舉其一也韓宣子曰寡君以為驩也注

以加禮致驩對曰寡君猶未敢注未敢當此加也疏

正義曰魯侯爵禮當七獻上文唯言享有加遽已知加於常禮不知幾獻遽豆未必過七獻也言寡君猶未敢當况下臣君之隸也敢聞加貺固請徹加而後者諫耳

卒事晉人以為知禮重其好貨注宴好之貨○宋寺

人柳有寵注有寵於平公音義

寺本又作侍柳良九反寺人名

太子

佐惡之華合比曰我殺之注欲以求媚太子音義

惡鳥

路反柳聞之乃坎用牲埋書注詐為盟處音義

處昌慮反下同

而告公曰合比將納亡人之族注亡人華臣也襄十

七年奔陳既盟於北郭矣公使視之有焉遂逐華合

比合比奔衛於是華亥欲代右師注亥合比弟欲得

合比處乃與寺人柳比從為之徵曰聞之久矣注聞

合比欲納華臣音義

合比毗志反

公使代之注代合比為

右師見於左師注左師向戌音義

見賢遍反又如字

左師曰

女夫也必亡注夫謂華亥音義

女音汝下并注同夫方子反注同

女

喪而宗室於人何有人亦於女何有注言人亦不能

愛女音義

喪息浪反

詩曰宗子維城母俾城壞母獨斯畏

注詩大雅言宗子之固若城俾使也音義

俾必疏反

疏正義

曰大雅板之篇凡伯刺厲王之詩也言宗子之固維若城也即謂宗子為城言宗人當固之母使此城傾壞傾壞則女獨矣女既獨此必有所畏懼也女其畏哉注為二十年華亥

出奔傳○六月丙戌鄭災注終士文伯之言○楚公

子棄疾如晉報韓子也注報前年送女過鄭鄭罕虎

公孫僑游吉從鄭伯以勞諸相辭不敢見注不敢當

國君之勞相鄭地音義

過地卧反又古禾反從才用反或如字勞力報反注及下

同相側加反見賢遍反下見王注見鄭伯如見楚王私見鄭伯同

固請見之見如見

王注見鄭伯如見楚王言棄疾共而有禮疏

注正義曰見如

見王是共也辭  
不敢見是禮也

以其乘馬八匹私面注私見鄭伯音

義

乘繩證反

見子皮如上卿注如見楚卿以馬六匹見子

產以馬四匹見子大叔以馬二匹注降殺以兩音義

殺所界反

禁芻牧採樵不入田注不犯田種音義

芻初俱反樵似

違反

不樵樹不采執注執種也疏

正義曰不樵樹不伐樹以為樵不采

執不采所種之菜菓

不抽屋不强勾疏

正義曰服虔云抽裂也言不毀裂所舍之屋也

勾乞也不就人强乞也

誓曰有犯命者君子廢小人降注君子

則廢黜不得居位小人則退給下劇也音義

抽敕留反强其



大反又其良反句本或作丐音蓋乞也  
說文作句遂安說亡人為句黹敕律反

舍不為暴主

不恩賓注恩患也音義

恩戶反

往來如是鄭三卿皆知

其將為王也注三卿罕虎公孫僑游吉韓宣子之適

楚也楚人弗逆公子棄疾及晉竟晉侯將亦弗逆叔

向曰楚辟我衷注辟邪也衷正也音義

竟音境下注同辟匹亦反

注及下同衷音忠邪似嗟反

若何效辟詩曰爾之教矣民胥效矣

注詩小雅言上教下效音義

效戶孝反下同

從我而已焉用

效人之辟書曰聖作則注逸書則法也音義

焉於反無

寧以善人為則注無寧寧也而則人之辟乎匹夫為善民猶則之況國君乎晉侯說乃逆之注傳言叔向

知禮音義

說音悅

○秋九月大雩旱也○徐儀楚聘于

楚注儀楚徐大夫楚子執之逃歸懼其叛也使蓬洩

伐徐注蓬洩楚大夫音義

洩息列反

吳人救之令尹子蕩

帥師伐吳師于豫章而次于乾谿注乾谿在譙國城

父縣南楚東竟音義

谿苦兮反父音甫

吳人敗其師於房鍾

注房鍾吳地獲宮廐尹棄疾注闕韋龜之父音義

廐九

又反子蕩歸罪於遂洩而殺之注歸罪於遂洩不以敗

告故不書○冬叔弓如楚聘且弔敗也注弔為吳所

敗疏

正義曰如上注不以敗告故不書而得弔敗者本自為聘聞敗因弔之故言且也

○十

一月齊侯如晉請伐北燕也注告盟主士句相士鞅

逆諸河禮也注士句晉大夫相為介得敬逆來者之

禮音義

句古害反本或作丐相息亮反注同士鞅於大反今傳本皆作士句相士鞅古本土句或

作王正董遇王肅本同學者皆以士句是范宣子即士鞅之父不應取其父同姓名人以為介今傳本誤也依王正為是王元規云古人質口不言之耳何妨為介也案士文伯是士鞅之族亦名句無妨今相范

鞅即文伯也然士文伯名古本或有作正者解見前卷裏三十一年介音界

疏

正義曰世族譜以王

正為雜人諸本及王肅董遇注皆作王正俗本或誤為士勾此人不當與士鞅之父同姓名而為之介也

晉侯許之十二月齊侯遂伐北燕將納簡公注簡公

北燕伯三年出奔齊晏子曰不入燕有君矣民不貳

吾君賄左右諂諛作大事不以信未嘗可也注為明

年暨齊平傳音義

諂教檢反  
諛羊朱反

春秋左傳注疏卷四十三

春秋左氏傳注疏卷四十三考證

舍中軍○林堯叟曰舍中軍從祀先公皆善辭也非同  
史無以知舍中軍為季氏專魯從祀先公為陽虎車  
季氏也又按萬斯大學春秋隨筆曰向作三軍今今  
中軍季宿弱二子更弱公室也宿既將中軍專魯所  
復私計已與二子歸公雖異分國維均因乘叔豹之  
死舍去中軍已專一軍而以一軍屬二子傳言四分  
公室者對二子而為言也如是則已不居中軍之名

而實則益前之半二子有分民而無專將公室有育而無民故曰舍中軍者季宿弱二子更弱公室也

莒牟夷以牟婁及防茲來奔○

臣召南

按牟婁杜氏不

注以隱四年莒人伐杞取牟婁已注也

楚子蔡侯陳侯許男頓子沈子徐人越人伐吳○林奔  
叟曰越始見經通吳以疲楚者晉謀之失也通越以  
困吳者楚謀之失也

傳舍中軍卑公室也疏還復二軍不得言舍三軍○深

復二軍監本訛作還作三軍劉炫之意解經書舍中  
軍不言舍三軍也本作還復者是今改正

又疏傳稱孟孺子洩帥右師○孟孺子洩監本訛作  
孟子孺洩今改正

傳故有十時亦當十位○臣召南按杜解十時十位即

用七年傳芊尹無宇所云天有十日人有十等王公  
大夫士皂輿隸僚僕臺者也彼傳云天有十日故以  
甲至癸解之此傳云日有十時就一日言下云日上

其中食日為二旦日為三故以鷄鳴夜半等配之○  
又注人定為輿○輿監本訛作與今改正

傳象日之動○林堯叟曰日動物也雖有夷傷其動不  
爽君子象也

傳晉侯送女于邢丘○陳傳良曰傳言晉卑事楚趙汭  
補注曰傳記齊請繼室于晉晉亦歸女于楚其後齊  
又女于吳齊晉皆伯國也於是竝衰至薦女以相結  
楚吳所以獨強



又疏於天子則諸卿皆行諸卿監本記作諸侯今改正

傳自郊勞至于贈賄疏據大行人上公三勞云云○臣

召南按所引大行人惟上公三勞一句耳主國使下

大夫勞王畿卿勞于遠郊主君自勞于近郊竝非彼

注而文義亦晦大約三勞之目賓及境一也及遠郊

二也及近郊三也惟近郊君自出勞其餘使卿大夫

傳設机而不倚○監本記作設機今以陸氏音義定作

設机

傳殮有陪鼎疏按聘禮歸饗餼五牢於賓館云云○孔氏以己意貫串聘禮為之非儀禮原文

傳吳人敗諸鵠岸注廬江舒縣有鵠尾渚○廬監本訛作廬今改正

傳火如象之不火何為○臣召南按漢書五行志引此作火而象之蓋古人如而二字通用也志又引劉歆說曰火星出於周五月而鄭以三月作火鑄鼎刻刑

辟書以與民約是為刑器爭辟故火星出與五行之火爭明為災其象然也不書於經不告魯也

春秋左氏傳注疏卷四十三考證